



09102

碑傳集

第四十冊
乾隆朝守令



卷二百七
之一百八

碑傳集卷一百七日錄

乾隆朝守令下之上

福建將樂縣知縣王先生元啟墓誌銘

翁方綱

又書王宋賢事

張士元

勅授文林郎浙江德清縣知縣張君州墓誌銘

薛寧延

山西交城縣知縣莊君繩祖別傳

趙懷玉

鶴崖先生牟貞相墓誌銘

王任

桐鄉邑侯呂君爾禧傳

馮浩

臨安府知府張君玉樹墓誌銘

王杰

麗江府知府同知梅公士仁行述

溫汝述 節錄

雲南府通判陳君聖修墓誌銘

王秉

勅封文林郎原任安徽宿松縣知縣黃君堂墓誌銘

余廷繁

南池彭司馬墓誌銘

錢澧

周君士孝墓誌銘

杜樞

碑傳一百七日目

秀水縣知縣前任海甯州知州戰君效曾傳略

馮浩

廣西潯州府知府湯府君大賓墓誌銘


趙懷玉

故江甯縣知縣前翰林院庶吉士袁君枚傳

孫星衍

偃師縣知縣沈君可培傳略

馮浩



乾隆朝守令下之上

翁方綱

福建將樂縣知縣王先生元啟墓誌銘
 先生諱元啟字宋賢號惺齋先世自杭遷嘉興曾祖國泰祖承榮父昌業世有隱德先生幼卽有志聖賢之學不為時俗文字舉乾隆甲子浙江鄉試辛未成進士署福建將樂縣知縣三月而罷然其釐訟獄禁賭博設十家牌平鹽價立排糶之法禁質庫重利濬溝渠修橋梁道路諸實政悉殫心力為之邑人以爲抵他令數十年之功既以誣被吏議復至其邑民扶老攜幼饋芻米効汲爨及鄰境之民皆歡迎如慈母先生雖於經濟未竟其志而教人之用尤著前後歷掌講席於延平道南書院者再又於仙遊之金石邵武之樵川順昌之華陽蓋在福建最久也河南則衛輝之崇本山東則濟南之濼源蒿庵曹州之重華於其鄉則鎮海之鯤池三十年間十主書院之任所成就之士以學行文藝科目著顯者數千百人先生爲學以宋五子爲宗說經尤精於易而爲文一本韓子撰讀韓記疑十卷周易四書講義史記漢書韓非子孫可之歐

碑傳一百七

會王文集及錢文子補漢兵志諸書校正評註凡若干卷惺齋論文句股九章論祇平居士文集恭壽堂家訓若干卷凡嗜學多文之士知考訂者輒多厭薄宋儒以自喜今日學者之通患也先生博極羣書勤考證工文詞而篤守程朱之旨終身勿貳誨人勿懈若先生者可謂眞儒矣既病革猶補註周易下經及校勘韓集易至既濟止韓集則易箒前一日猶命子尙繩改定順宗實錄記疑條中二字蓋其貫天人古今之精力畢世以之先生生於康熙五十三年七月十一日卒於乾隆五十一年七月一日年七十有三娶沈氏例封孀人子男三天石早卒尙珏附監生四庫全書謄錄廣西西林縣知縣尙繩增廣生女一適貴州銅仁縣沈心醇孫男二克生國子生克新孫女一適甲寅舉人蔣殿曾孫五曾孫女五銘曰

孰能博綜漢唐而篤執程朱淵哉若人不見是圖學則伯厚東發教則鹿洞蘇湖蓋超出乎籍混紹述閒而獨爲韓之徒

又書王宋賢事 張士元

王宋賢名元啟浙江嘉興人以進士知福建將樂縣乾隆某年十一月至明年三月去將樂山縣民俗浮險競利而輕生每歲終民間強索所

負及田主追贖遠年棄地往往鬪毆至死傷成獄又多好蒲博之戲率常毀其家而山深林密盜賊時時竊發宋賢視事已迫季冬先出教風諭然後於城內外數處各設壯丁二人每夜巡邏至三更時必身自步行檢察遇有小鬪立加懲責其盜竊私博蹤跡驗問皆獲之故恣任甫三月民無一人犯禁者宋賢聽訟不禁人觀雖燭下案治觀者常數百人及被誣將去新令已有文符到縣民有訟事未決者爭來就決曲直謂得吾侯明斷雖受笞辱亦甘之宋賢憐其意剋日治之三月二日理事達夜至旦而止須臾新令至矣罪小者譴大者杖人人輸服而去先是將樂有平糶之法歲夏秋閒米稍貴卽勸富民糶積粟以平市買入而弊生其上富次富聽里長條列任意低昂而限以糶米期日米多者屑積如故米少者糶盡反向大戶糶之又畫定方隅某方富戶止糶某方其一方之戶多富者任分而糶易戶少富者任并而糶難勢必攤及于僅充餽粥之家賤出貴入怨聲盈耳宋賢訪知其弊盡召諸大戶切諭之使各戶將有餘米穀互相揭報不由里長條列戶有所餘以糶盡爲度米少者不强之糶而四門內外通行糶糶不限方隅民從其令各損賈發糶其始市米一升二十四錢尋減至十五錢上官善之下其法

碑傳一百七

諸州縣使皆行之而惜鄰邑終格不行也將樂每年斂稅必俟次年五月畢收蓋鄉村遠山嶺閒之入城旣不便而輸納之際又苦管事吏胥詐索轉輾沮畏歲遲其期令無如之何但遣役人催納而已宋賢不遣一役惟飭廉幹吏數人持印信分往各鄉就徵嚴其遷延滋擾之禁吏洗手奉法民便之踴躍歡輸而月而畢宋賢用法不苛但持之以信不肯二三其區處公私精力能推行之民無不感戴而嗟客心害其法有飛語聞于大府遂黜去之曰民送者數千人歛獻流涕及宋賢拘囚行省民負米擔薪數百里饋遺之後以事重至其邑民扶老攜幼迎拜道旁此亦可以觀宋賢之治矣宋賢在縣所舉行之事多可紀以其爲世吏所能及故不著著其大者以聞後世云

勅授文林郎浙江德清縣知縣張君洲墓誌銘 薛寧廷

嗚呼萊峯張君之與余如唐韓宋蘇之同值磨蝎宮也今則生並世而同里也學同師也癸酉鄉試不同榜而同舉省試

廷對皆同丁丑也余官廣文二年在翰林七年而君爲邑宰至暨左降學職未上余以此始君以此終皆潦倒終無所就又罔不同也同方同術而好會曰淺今年同客膠西談讌者累月而竟恤恤焉問其疾視其

含斂諸公子之請而預銘君壙樂未極而生悲尤事理之至常而至奇者也君家武功去雒南五百里末由相識也歲庚午余入關中書院肄業主講者孫酉峯師而君以鄉里負笈從論文會講晨夕觀摩匪自夏首迄秋之半也成進士後君歸班迨守部需次之時而余已罷歸出入相避動如參商之不相見也君通於學而蹇於仕初授西粵之修仁再補吳興之德清中間南北奔走勞苦顛頓者行數萬里歷二十餘寒暑而兩任曾不滿一歲其坎壈視余尤甚也失意于上官不必調而調不必送部引對而吞送入都皆非人之所爲而不必致憾於臧氏之子也然君乘寬閒之歲月薄宦壯遊西至蜀南極瘴鄉往來吳越荆豫以至燕趙而終老於齊也山海足以供其雕鏤悲愉足以發其精彩淬礪而盡滌之又安知非天之玉汝於成而將以大昌其詩文也文宗八家而以左史堅其骨詩湖三唐而以騷選疎其氣蓋已哀然成集而卓乎可名一家者也嗚呼富貴者天之所輕而獨若斯人以名然於兼得者愈思有以撓敗之如君之抑塞於生前而彰徹于身後人所不忌而造物且或爲之寬假也君幼而穎特長而敦敏與人無町畦而善善則長達于政事綽綽而鬱不得施澤未被於民物爲可惜也惜也罷官不歸久客

齊魯間掌嶧縣膠州書院之教十七年皆以小阮德潤君爲東道主正身率士經指授者多騰達以去而興學擇師共戴使君如文翁高朕信其匪藉公帑以優給私親也君之疾也妻子護之謹其歿也親賓門弟子哭之哀瓣香翦紙陳牲而酌酒者經月不絕尊其教而欽其德固不徒門牆之髦俊也君之名曰洲字萊峯也又自號曰南林也卒之歲丁未爲乾隆五十二年七月廿一日絳甲初周而不至生之辰者兩月也考曰文學金古妣楊氏繼母馮氏覃恩贈封正七品如君階也配康氏系出對山先生以貴且賢得附見也子樹楠縣學生孫照宁將奉母扶靈輻以歸而奠諸佳城也祖以上世次名行見于酉峯先生所爲贈公墓誌者不再詳也嗚呼余與君生平遭際十同六七則文筆雖拙而銘君者誠莫余宜倘亦君之志也銘曰

物之用當其無宰官耶迺文儒雲錦段明月珠執經心濟史腴變齊魯春風敷竹林款帶草紆我之來暮酒娛作元宴丹黃劭事未竟鵬坐隅靈芝殿召而趨神超越樞戴塗柳鬢導冠杖扶武功天社粉榆聽楚些孟歸乎

山西交城縣知縣莊君繩祖別傳 趙敬 五

君姓莊氏諱繩祖字畫英晚號樂閑居士世爲武進人曾祖諱京生順治戊子副榜貢生考授縣丞贈如君官母趙氏故講官編修諱申季女也懷吧國子監生考授縣丞贈如君官母趙氏故講官編修諱申季女也自曾祖以上代通顯至縣丞而中落少居貧能自刻厲季父官東安令監視倉稅雞鳴至稅所暇即讀書晚歸衙齋讀仍弗輟既而幕客皆睡釗中油竭挹人所餘者注之如是以爲常乾隆十五年庚午以北籍生員中順天鄉試舉人屢應禮部試不第丙戌大挑奉旨發往山西以知縣用初權平陽府同知旋授交城知縣勞心諄諄一以撫字爲事有少女殺於野君集村人履勘某某者視速脣動君密召女父母問識此二人否曰是日黎明獲尸實見二人共踞高阜君曰地甚僻爲時又早不宜有人至必殺人者內法於此偵探耳嚴詰之果女不受汗被殺燕某縊其妻及其弟之妻誣鄰戚偏至則二婦共縊一索足離土牀二尺許土牀右設木榻君卒然問曰榻非舊在此乎然則婦由汝死何誣鄰爲燕堅不承君曰此易知耳果自縊必有承其足者非偏之使縊抽榻而何燕辭塞蓋二婦皆不謹燕故欲其死適與鄰仇遂縊而致誣也縣中稱神明縣故產羊皮及白鷹大吏皆歲徵之然白鷹

神傳一百七

四

實不數見前官於羊皮多減值浮取白鷹則剋期令山民分捕民競納賕乃免君至給羊皮民價而白臺使革取鷹之弊嘗得檄取野雞千頭吏思夤緣爲利請仍飭民捕君弗許雇買百餘頭應焉方是時巡撫爲鄂賈公布政使爲朱公理二公者以清節聞天下待僚屬開誠布公故君得久任而展其志如此會大計將條君治行以上君以年逾六十非老氏止足之義遽引疾歸去之日縣民遮道送數十里不絕道經太原眾問車中何人僕夫以告皆曰是交城賢父母也胡爲欲歸有挽車以送者其後交城人來官南中及里人之客山右無不嘖嘖道遺愛以爲君去莫之能繼吾郡有鬻裘者家交城忽登堂請見時君目已盲鬻裘者再拜曰自公歸邑父老日冀公復出今日盲其不能重葺吾土矣歛歛而去烏虜何以得此於人人哉君天性誠樸至老不失赤子心誨人循循弗倦甲午同考鄉試知名士多出其門歸田後唯事吟詠與同里宣城訓導程君景傳潁州知府蔣君熊昌及君族父勇成族弟選辰族孫宇達爲觴酒賦詩之社懷玉亦時與其閒積久倡酬頗夥君越出於懷玉爲大父行願嘗以弟畜之歲時過從興特豪逸旣隲恆鬱伊不自聊或攜酒肴就之意趣猶不減曩昔嘗爲賦二首詩翁歌君喜而屬和

二盲者訓導程君故亦病目也君生康熙五十六年十月八日卒乾隆五十六年四月一日春秋七十有五娶吳氏繼娶董氏子二榮詰園子監生心喬女二嫁同里董襄仁和周光第

論曰後漢元和二年詔曰安靜之吏惻愾無華日計不足月計有餘如君者殆其人歟迹其居官斷獄近知愛民近仁引退又似勇非閭道而孰能之聞君臨終以三事勅其子曰毋作行狀毋修二氏法毋增飾喪禮受親友賻而淹久不葬夫習俗移人而確然於生死之際所養蓋非一朝夕之故矣

鶴崖先生牟貞相墓誌銘 王 在

壬子春余遊肥鄉縣署鶴崖與余飲酒顧余而戲曰以墓誌相託余笑之因戲索訣墓金鶴崖又戲弗予四月鶴崖赴保定感寒疾欲還閏四月五日卒於定州之清風店年三十八鶴崖諱貞相字含章姓牟棲霞人乾隆戊戌進士選肥鄉知縣一切獄訟實心辦理事關人命報到出驗吏不能得一錢監生某委縊備多金欲餽官終日案結無由上獻調署滿城邑小而疲驛馬缺額雇買病民鶴崖至絲毫不得擾將回肥鄉民千百赴大憲乞留又具帖別鶴崖書某村愚民拜鶴崖持其帖三寸

碑傳一百七

五

許以示余曰自愧無德而民有情也鶴崖既卒其容有赴保定者道出滿城之山村村中人識其馬是鶴崖平生時所騎乘者皆望馬悲涕遮道牽挽繫馬柳陰下或走汲寒泉飲之或解鞍澆洗之或持鬣尾而泣嗚呼鶴崖之愛滿城人可知也鶴崖喜讀書篤交誼其赴保定也猶手錄孔安國古文孝經呂氏讀書紀與余交一日之雅誠信莫如今鶴崖英年良有司不獲登顯仕溘然以逝余忝衰老之年執筆志其墓而實其戲謔之言其可痛也已鶴崖一子名所銘曰

鶴崖在滿城府委勘盜活平民六人茲者謁憲又為朱氏兒求活未及允而鶴崖卒朱氏兒固不可活耶鶴崖有德而不壽豈所謂活人延年者耶嗚呼天與命不可知之美止於斯

桐鄉邑侯呂君爾禧傳 馮 浩

桐鄉浙西小邑也地窄而民稠農功蠶織終歲勤苦僅給衣食無貴物產出資貿遷四境環周七邑牙錯府畫省剖奸匪竄匿申緝羈遲為宰者非仁義兼施寬猛相濟亦未易撫柔良靖頑梗近得武進呂侯儉以德已和以惠民公以應物勤練集事下車輿頌即興與余雅相契余窺其心精縝密顏容清削竊隱慮之遂力勸以勉攝生毋過勞未入嬰疾

不敢廢公小愈輒增馴至於卒邑民莫不歎息屬余爲之傳遺愛之古風何可辭也君諱爾禧字皆孚號滌園姓呂氏先世自河南新安數遷常州武進其中原文獻之族裔乎高祖諱宮

國朝順治丁亥科一甲一名進士及第授修撰官至太子太保宏文院大學士授光祿大夫事具

國史江南諸志曾祖諱方洪廩員外郎贈朝議大夫祖諱廷鵠泰州儒學訓導贈中憲大夫考諱瀛乾隆甲戌科進士官至汾州府同知授奉政大夫贈中憲大夫山東濟東泰武臨道母吳太宜人晉封太恭人君幼有大志厚自期勛博習經史而約取之心融神悟發爲文章措之踐履乾隆癸卯科舉京兆甲辰會試報罷用前甲午鄉試薦卷取充膳錄期滿議敘知縣分發浙江上官識其才每與論事辨疑深中竅要無揣摩依違之習累攝漕安太平義烏會稽海甯仁利州縣事杭州紹興通判同知聞其在太平也海口舊有牧士開蓄水資灌漑廢久莫之舉君周覽形勢實關農田水旱捐俸重建民倉其利獲洋洋虛衷研察稍有矜疑力請開釋不忍多牽逮博健吏稱去任之日民走送塞途幾不成行余嘗至海甯鄉村偶詢農夫官爲誰氏曰今姓呂真好官余是以知

碑傳一百七

六

君之來卽語里人相慶也君臨訟明決催科量其緩急常課外不多索巖治竊賊舊犯者皆遁去修葺文廟暨祀典各祠徵收銀米例給各戶易知由單使民照額輸將絕飛洒浮加疎漏隱寄諸弊良法通行桐邑棄弗用十六七年君立復其舊民便之癸丑六月冒暑作瘧秋啖啞喇貢使回途過境

欽差與封疆大吏先後雲集君偕同官分段料理纖悉無誤上游益倚重定調仁和而君元氣耗竭遽卒矣向所竊慮不幸而中良可歎哉君天性孝友同產五人君居其季兄爾昌癸未科進士由部員至安徽臬使爾益廣西直隸州州判爾熾爾薛君年十六遭父喪于伯兄京邸徒跣扶柩登潞河舟哀感路人迨發浙迎母承歡養志伯兄以前山左事被議出關而歿君飲泣不忍以告詎料母今年屆八十存者惟四兄一介君之靈有餘痛矣配某氏子二班班姿采秀拔年在幼學不克詳知治行也君有輿航吟草四卷與制藝一卷藏於家君生於乾隆某年某月某日卒於乾隆五十八年九月某日歿後蕭然無所有余嘗遇君步出春波門二童子挾所購經史巨編隨後余謂君其仕優而學乎君曰優何敢言冀子孫指此爲宦囊耳嗚呼君積德兼積書其子必能讀矣

論曰門胄之高華文行之茂美同氣之多賢天於君家厚哉乃彫瘁至此理所不可測雖然盛而衰剝以復氣數變轉何常之有君所蘊而未施者其貽之兩孤歟

臨安府知府張君玉樹墓誌銘

玉樹

君諱玉樹字德潤號蔭堂卒於官既歸葬其弟珠樹來乞志銘予昔同

師西峯先生知君信道之篤又以同年習聞其治行故志之始祖諱盛

元時由河南固始遷陝之盤屋再傳諱孝禮明初遷武功遂為武功人

生子敬敬生讓讓生儒珍君之九世祖也正德戊寅歲貢歷官河閒訓

導南皮教諭永壽王府教授八世祖諱鏞嘉靖壬戌進士官大理寺副

蜀王府左長史與教授公並祀鄉賢七世祖諱汲由選貢官休甯縣丞

六世祖諱橋萬歷癸丑進士官行人司行人高祖諱文煜

國初縣學生曾祖諱壩祖諱爵俱處士考諱書紳字誠齋以選貢注籍

直隸州州判君官山左疊遇軍恩祖贈文林郎晉贈奉直大夫祖母

歌氏勅贈孺人晉贈宜人考勅贈文林郎晉贈奉直大夫母楊氏繼母

喬氏勅贈孺人晉贈宜人君丙子登賢書辛巳成進士注選縣令誠齋

公覘君器識可成立時以存心利物為訓易簣前誠曰爾弗薄民當如

我弗薄爾使民不薄爾始見爾不薄吾君終身識之甲午七月署清平

八月卽值王倫寇掠堂邑壽張臨清清邑接壤邑故無城君聚義勇防

衛民賴以安大學士舒公奉

命勦賊駐臨清嘉君猝備芻茨糧糈之屬及善後事悉當卽奏補是邑

君在山左凡十七年初任清平次署聊城次調嶧次擢膠州牧次署青

州守次調濟甯牧次署濟南守所至首學校剔陋弊痛抑豪強不勝書

今書其尤著者方君之治嶧也壬寅秋運河漫溢為災得

旨於濟甯截漕備賑賑距濟幾三百里米難驟至君急貸金購黍粟以

賑尋鬻漕米償所貸既省運費又得賑速而鄉人習食黍粟更喜得黍

粟之數多於漕米者遷膠日嶧又大飢令不諳于賑撫軍檄君暫攝嶧

事民若亡子復見父母喜繼以泣是年膠亦大飢君創捐粟米多設粥

廠所在掘坎覆藁積男女處之戊申六月膠西南隅夜大雨如瀑昔水

患君且悲且賑一月而手足頓痺君之疾蓋始於此庚戌遷臨安守時

方謝濟南府事值各屬水災撫軍留督賑畢然後去論者謂君在山左

績著於賑心勞於賑力憊於賑而君卽以此闡父命焉可謂孝矣其治

臨安積穀家以錢糴居奇君權藉公銀糴米復設局收易私錢錢價定

穀價亦平其他三年中問民疾苦除民所患害一如在山左而勞瘁過
之癸丑九月二十九日竟以疾卒郡之紳士農民商賈焚香哭於
庭者踵相接既念君之清貧贖錢以歸其喪又肖象以祀嗚呼可謂民
之父母矣君所著有恆訓閣志學錄存辨錄奏賢彙集各二卷惕終齋
日記十四卷詩文鈔存四卷又有嶧縣臨陽聞見錄稿未就明年三月
柩歸丙辰十二月二十六日葬先塋之次年六十歲配龔氏子三燕昌
娶同邑高廉道楊君本仁女燕嘉太學生娶渭南平渡州牧郭君清芳
女燕譽縣學生娶同邑甯夏教授黃君鑿女女子三長許聘同邑太史
孫西峯先生家孫奕坦未字殤次亦適太史孫奕瑛又次未聘接銘曰
學道愛人古所敦張君爲政如其仁過庭之訓比恩勤乃知痛癢胥切
身臨人尸祝名弗湮君闔春秋裁六旬報施未竟埃後昆

周太守際清小傳

王和

周君際清字斯盛系出濂溪文公之後先世由毘陵遷無錫父坦庵先
生績學不遇子三人君長也乾隆甲戌與余同舉禮部從政刑曹君精
研律例求古人忠厚至意數月卽能決疑獄而持其平前後十數年經
君所勘無復有枉抑者己丑冬威甯州某揭部科奉

命隨內閣學士富察君善往鞫續

傳一百七

命錢少司寇維城勘之案甫結復奉

旨赴桐梓訊刁民聚眾而古州苗香要適爲逆隨少司寇勦之擒首逆
寬脅從民苗皆帖伏未幾援雲南麗江府知府君以道遠不克迎養鬱
鬱不自得臨別灑淚語其弟曰弟素能得老人歡幸善事吾年五十必
歸養也遂行途聞所屬鶴慶州有變人情洶洶或謂旣未任事益緩行
以伺之君曰民愚鹵莽出此不速解且成大獄遂驅之民間新太守來
相語曰是鞫獄桐梓明而有恩信者聚數百人訴於輿前君反覆慰諭
令明日投詞眾稍稍散君故知豐由州吏廉得其要領卽夕械繫州吏
數人於獄黎明民復聚集堂下索狀狀詞從入叢中出君怒曰爾等懼
禍耶無主名吾何從判眾愕有閒乃進老者數人名君召之前諭以所
控之非且述桐梓首難者所得禍眾感動呼曰太守活我遂散去後數
日擒爲首者子杖吏除名州牧亦以他事罷去之民大悅先是君入城
守者表甲入見曰將請兵制府君止之及是計所全活不下數千人撫
軍以爲能留攝雲南府事數月境內稱洽旋調楚雄以他事牽連掛吏
議君欲歸諸大吏連章請留補知永昌府整躬勵俗威惠並施制府圖

君思德案君所屬保山永平侵略意并疑君已保山出入總簿內列收
回本府門禮一條乃知君故廉欲以聞於朝君力辭曰吾思歸養久矣
明年吾適五十也是歲丙申坦庵先生尚強健承何意旨色笑爲歡擬
終身不復出而山西巴中丞素聞君名奉禮幣請入幕君以親老辭坦
庵先生命之行乃往後應明中丞聘亦如之癸卯冬坦庵先生卒哀毀
不欲生又數年仲弟寢疾幾殆君躬調藥劑每夜開視輒十數起兄弟
子姪至今不析產孤孀不自存者挈而養之家世稱君者第謂處事明
練操守嚴介故引疾歸田囊無長物不知其內行篤摯如此先是乾隆
己亥余過無錫君偕顧君光旭邀游惠山宴於寄暢園卜夜甚驪及癸
丑春余請假歸復訪君於里第訂以秋閒投轄馨平生懷孰意竟不可
得也悲夫君以八月某日卒於家年六十有六子三玠瓊環咸以好學
克家聞

贊曰余讀書君陳訓其寬而有制從容以和無倚法以削而先之以孝
乎惟孝友于兄弟克施有政然則君以仁恕稱非令德孝蒸之所推乎
往秦文恭公長秋官駿厲明肅執法不撓君嘗佐以輕典蓋子所親見
者然則至治馨香感於神明雖不克大用于時而子孫循謹獲佑蓋未

可量矣夫

麗江府中甸同知梅公士仁行述

溫敬廷
簡錄

公諱士仁字仁山號靜涵廣州順德人曾祖某贈文林郎祖某封奉政
大夫父本深號半林原任山東樂陵縣知縣候補主事晉封奉政大夫
半林公有子八人公次三和粹端凝自其少時已持重若老成弱冠隨
親宦遊晨昏侍奉跬步必謹歸侍母陳太宜人怡然色養咸得其歡心
又篤於同氣事諸兄撫羣季友愛無間趨庭東郡備問撫字之宜臨莅
之要耳濡目染條理率然而又仁心爲質有學道愛人之意半林公深
器之乾隆十年命公入京謁選時公年三十八矣開歲選授甘肅涼州
府同知涼州古武威郡地衝而事劇公殫心籌畫百廢具興又念其地
近沙磧俗鮮蓋藏亟爲謀生計爰捐俸廩二千石創建社倉于平番之
南鄙積貯豐盈以備荒歉計費數千兩有奇其爲制甚詳而有法邊
民利賴其後巡撫上其事於朝得
旨優加議敘公之存心惠愛一出而卽見諸施行者如此十二年上官
知公清勤題署涼州府知府兼攝柳林湖通判政尚清簡民懷其德未
幾奉委護準噶爾赴藏熬茶監督官軍糧務飛輓萬里銜枚越險公悉

為經理資糧屢織悉不遺徒御輟陸卒事無諱十三年差竣聞赴丁外艱時巡撫某公將留公在任守制謂公曰梅司馬著有勞勩盍少留以待遷擢公再三懇辭奔喪南歸及行掠民弔送者數萬人連十數里不絕蓋公之在涼民稱活佛一時士民為文章以唁公者咸質實可觀噴噴稱公賢謂由半林公家教而惜公之遽去三十二年起復揀發滇省是歲到滇即委解京銅先是解銅官吏以道里遼遠經涉水陸多備餘銅閒或私賣以充用度公獨清釐積弊嚴禁走漏及抵京悉以餘銅輸庫雖費用匱乏不顧也于役三年回滇上官閱其勞委署羅平州事三十六年再署澂江府知府旋署鶴慶州事是歲補授麗江府中甸同知歷任數州郡並能於其職最後擒獲鄰境逸盜例得徑解廉使而公仍付鄰縣使自解竟坐是罷歸公亦自以年近懸車既歸遂不復出時從親友街盍話舊東阡西陌徒步往還布衣蔬食安之若素見者不知其曾為良二千石也初公與弟兄承半林公遺命捐田百畝入邑城義學為諸生肄業膏火資前令陳侯志儀記其事謂今之人視千頭橋八百桑為性命稍去其一葉輒攘臂以爭執若茲舉使士子視田歌有秋筆耕無惡歲哉蓋深有以重公矣公坦白待人雖婦孺無欺遇人之急無不開卸人或誣之卒以不較值歲飢自捐于餘石以賑族人之貧乏者嘗舟行過邑之桂洲遇賽會人驟喧擁落水者甚眾公亟懸賞募善泅者揀之頃刻數百金皆空鄉人德公迎問姓名不告而去其為善無近名皆類此公家本素封而晚歲固窮無負郭之業僦屋以居以某年某月某日卒壽八十有六湖公生年實康熙戊子也

碑傳一百七

山西甯武縣知縣彭君禮墓誌銘
王飛

乾隆十八年余與太倉彭君行之同舉江南鄉試明年會試相見於京師既而散去三十一年君始成進士又以候選歸闕二年余參軍事于雲南故君之來而謁選也不復相見願鬚臠言笑思之若在心目比余乞老歸田而君下世已逾年矣於是歎遇君之疎知君之淺不得周旋聚處備知君之學術而悉治行之精醇為可惜也然君選授甯武時同年朱學士鈞贈以詩云子學甚醇正子貌頗可雅去作親民官神真跡乃假而藉某宰馬邑亦贈詩云入境民盡肥視君彌老瘦是君之所以愛民而奉職者可知也已於是仲子兆蓀將大葬於新塘之南阡請為幽窆之志余奚忍辭據狀君名禮字行之其先出於五代吉州刺史彭玘祖某由歛遷太倉父某育於其舅吳氏因為姓至君通籍後復之

君生而樸訥顧聰穎嗜學家多藏書靡不瀏覽弱冠補州庠生潛於進
取鄉舉後復以會試中明通榜久之登禮闈故其學益以宏衍深遂既
授甯武知縣地處鴈門極邊風俗鄙陋君擇士之秀良者使訓于鄉人
始知慕學而不以強武觸扞文網年餘縣大治君聽訟務開誠勸諭亦
工于摘發縣中豪猾廉得之輒痛懲不貸有婦以奸被其夫詭為自縊
鄉里已結報君反覆研訊得其情置之法俗祀貓鬼巫者緣以為利
君聞拘眾巫至搜畫像而盡焚之風遂熄某甲毆其父重傷繼又毆斃
從父君謂此元惡也不得稽誅立召而杖箠之始以狀聞上官才其斷
不罪也然慎于用刑謂人皆有羞恥心一子杖將不得為完人適以使
其自棄也時巡撫農公起素以仁廉聞嘗謂僚屬曰古有以經術飾吏
事又曰猛以濟寬彭某殆兼之矣將薦會農公病卒不果君素澹于進
取自願年已衰矣遂引疾力辭以去官日士民泣送有越三百餘里
而以壺飴饋者既歸貧不能自存復請以校官用選潁州府教授四年
卒于官無以為殯同官爭賻之始得歸柩于家先是君謁選在京日取
諸史傳中循吏故事手自鈔錄或謂古今異宜君曰吾儕能法古人無
在不可施其術安在今不如古耶在甯武十一年以廉明稱果踐其志

碑傳一百七

二

而又惜不獲盡伸其志也君生于康熙某年月日卒于乾隆五十八年
某月日年七十有六著有北窗吟橐金臺倡和諸集配滑氏子三人長
兆荃次兆蓀幼兆蕙而兆蓀最以才學著東南又能經理君之喪葬可
謂賢也已銘曰

敦題之山沿于梁渠其習也醜其秉也愚吹之噓之繫而鋤之三尼九
酌從我趨之雖曰趨之弗竟其撰行書未傳有名未煥以貽後昆崇其
里閭新塘之麋靈長輸灌瘞此貞珉用俟幽贊

雲南府通判陳君聖修墓誌銘

熊爾元

原籍浙江山陰曾祖理官平樂

君諱聖修字念祖號岸亭廣西平樂人原籍浙江山陰曾祖理官平樂

司獄遂移籍焉祖廷綸康熙庚辰進士廬州府知府考齊襄舉孝廉方

正江西廣饒九南道得男九人君敘第三生而岐嶷善讀書工於屬文

以太學生中乾隆庚辰舉人授豫州例授湖南貴陽縣知縣調益陽丁

外艱去官服除歷任江西之建昌鄱陽吳城安徽之太和蕪湖所治政

績有聲陞雲南府通判未及任而卒君生于雍正十一年十月距乾隆

五十八年九月年六十一安人凌氏生子四伯季先於君卒仲廣與叔

廣凝某年某月某日葬君於某地禮也君令益陽時值山水破隄民大

饑未及請先發倉米十萬斛賑之無爲州水衝壩壞州人議移建君方
署州事以爲棄地讓水非所以恤民不如於要害處開引河而增壩以
護之依君議民賴以安又嘗署和州州舊有僉丁貼費之例君議照屯
田按畝增追給運丁自措時以爲便蓋君以經濟之才施於宰牧不徒
以奉職者免上議矣公者靖輿評求之古人可謂賢矣先是君仲兄聖
傳爲臺灣縣丞值林匪之變慷慨罵賊慘罹於難
天子以雲騎尉褒其身且廕其後無嗣故以廣凝爲之子廣凝重性理
之學好金石之文鍾於孝友志在表揚以君行狀屬某志諸石爲之銘

邑宰之任視古諸侯化繇德駿民視風鳩會稽名路東郡無蠡牛依淮
守虎拜荊州繫古有然維君則侔虞賓巨族楚產名流清白世守仕學
用優生秉異質出建嘉猷卅年作宰萬里言游春風拂蝟陰雨隨騶民
隱既恤官方式修無偏無黨不剛不柔狗先羊問憤其車雷破械同豫
發倉比攸荻圩增壩穎闡穿溝利民民立禱神神酬通經足用臨事克
謀具我壺漿衍我朋儔梅花東閣明月南樓板輿朝豫民瘼宵籌蒼黎
在臆皓髮生頭績方報最形頓歸幽羊燈寂寂蠓纂悠悠女指簪珥童

碑傳一百七

七

罷謫謳遺書百帙貞石千秋魂棲芳草墓表長楸湘雲皖水人去香浮

薊州知州王君若常墓表

秦謙

崑山王君惺如嘗官薊州知州會當軸者營生墮於薊遣家奴劉姓者

往治之劉要君出迎并誅館舍於君君謝焉劉憾君甚因進蜚語當軸
者言於直隸總督將據他事劾君遽以病免歸歸數年而君歿其孤福
璧嘗乞余文誌君墓時以當軸者勢方張遲之未及爲又三年而當軸
者敗乃爲文表之曰君諱若常字心如惺如其號也曾祖某康熙某科
進士官中書舍人祖某贈萊州府知府父某贈福甯府知府妣某氏贈
恭人君以錢唐籍入賞爲西城兵馬司正指揮遷光祿寺署正大理寺
左寺丞再遷刑部奉天司員外郎廣西司郎中擢福建福甯府知府其
官刑部案牘多平反諸城劉文正公器之比守福甯有福鼎縣民林某
者以人命誣服君訊得實告之上官釋其罪無何左遷直隸山海關通
判由通判遷薊州知州方君之見惡於當軸也余適在軍機處當軸者
呼君名揚言曰某無狀已語總督罷之矣余親聞之故尤得其實君罷
官後貧幾不能歸薊之民時以酒食餉君并助之歸烏虜此可知君之
所以治薊矣今年春當軸者既敗

天子詔贈故監察御史曹錫寶都察院左副都御史蔭一子蓋錫寶嘗
劾劉姓恃勢奢侈者也錫寶號劍亭故與君善其在京師時兩人各以
號相呼惜君之事無有聞於朝者余特揭之於阡俾後之人有傳焉君
生以雍正壬子七月十九日歿以乾隆甲寅十二月二十五日娶姜氏
封恭人有賢德先君卒合葬崑山迎恩莊之和村子五人長某次即福
璧俱監生又次某某景星舉人女六人婚嫁皆士族孫六人君與余故
中表行福璧又娶余從女弟是以余知君為詳

余廷燦

勅封文林郎原任安徽宿松縣知縣黃君堂墓誌銘
君姓黃氏名堂字雨稼號秋水世籍江西之瀘溪縣居翁源世有隱德
父樸庵公年垂五十五始舉君最憐愛之不使出就外傳即口授四子
五經書即成誦或聞外閒講論即通曉大義時文以意為之自有法度
於時人咸以君方江夏黃童云學使拔君於童子隊中置第一刻其詩
古時藝懸為國門程式自是試必魁曹伍閱丙子舉於鄉辛巳
恩科念親老不欲上公車父促之行乃成進士名在第七廣昌詩人何
在田鶴年君執友也方自京師就館穀於天津時預約君同棹南歸及
君俶裝至天津而在田病矣君艤舟不發為之視眠會延醫藥彌月不

碑傳一百七

七

懈及病革視含殮必謹躬哭泣甚哀已乃經紀其旅櫬而歸還其家西
江太史饒霽南學曙蔣心餘士銓咸以為一死一生乃見交情如君者
眞能明朋友一倫於天下者也樸庵公則迎而喜曰吾初遲子南歸以
為不應久留滯乃爾而不知子之能不負死友於南北舟車間也吾不
孤所望矣君侍父養甚孝謹至耄耄篤老愈益曲盡父性方嚴君宛宛
孺子狀未嘗一日不得其歡也有所欲推子君息息無閒形聲亦未嘗
一事不如其志也父年九十三而歿君哀毀不欲生服闋後始謁選得
安徽之宿松令邑故難治又苞苴盛行君洗手敬職有石吳二姓者互
爭兆域以貲財角勝至久不決君秉赤心勘定其訟立解牧猪奴有縱
猪踐田穀者農民劉某持鎗捍之誤傷及某足某足創既平復旋死於
夙疾而黠者嫉以死於鎗控前令將論抵矣君廉其冤狀並追取藥師
醫方為確證某得更生邑西界黃梅黃梅弋獲流匪令嚴鞫之知在原
籍宿松犯竊案即以獲鄰省逸盜報大吏大吏下其事於縣縣吏請補
報盜君曰黃梅自盜吾邑自竊而獨不省事主原狀止於穴壁乎計賊
在一兩以上將陷之大辟吾實不能大吏又謂君不補報盜部議必不
利於君君謝曰將行一不義殺一不辜以求保全一縣台非狂惑喪心

卽神鬼奪魄耳某自束髮讀孔孟書宿留胷中旣數十年誠不能一旦
鉤吐而棄之地也卒以此里吏議君有強立之志有廉靜之守有割割
之才然君不苟隨而上官不能直其不苟隨上官能用拯而君不能強
其必用拯君之所以不得展其職也君博聞強記早貫穿經史旁及音
律星命醫卜諸書而性冲恬於人世一切窮通得喪泊如也旣罷官歸
來意氣閑遠嘗時諷誦不輟有終焉之志惟夙負文望遠近學子請業
請益名公巨卿逢迎者惟恐或失在粵東主信州惠州講席在江西一
主撫州講席最後江西撫軍藩伯延主省城友教書院先後成就人才
甚眾士之聞所聞以有立者不問而知其爲君弟子也著詩古十餘卷
門弟子請鐫以行世君嫌自炫不許藏於家君生於雍正庚戌七月初
四日卒於乾隆乙卯五月初八日年六十有六配鄭孺人先十二年歿
側室程氏子二人長錯乾隆己亥

恩科舉人鄭孺人出次鈞郡庠生程氏出女三人孫男四人潤曾浩曾
衍曾錯出授曾鈞出子與君爲同年友契君嗜古工文而不獲盡其用
又舊識錯於京師錯能世君之學者及是君將就窀窆錯先期來請銘
予不獲辭讓因據狀識之銘曰

碑傳一百七

十四

學之與治古一近判所養所用截分界斷君抱方施其志在合隻輪方
轂眾口交雜舉棄道旁騃驥孰驂良樂不遇嗜殊酸鹹退修初服傳經
足娛滋畹樹晦德馨不孤其仕雖蹶其道則貞習坎出坎有孚心亨隆
封特起口相告語澤在桐鄉學傳舊侶

南池彭司馬錢墓誌銘

錢

讀書而求致用未不自治身始也身之不治或有所施於用非妄卽
苟故君子務先治身然孰謂治身之勇且嚴久而不懈如吾南池者竟
至以葬期告也嗚呼南池死蓋逾年矣天下賢人君子爲

國家惜南池稱南池未絕於口然人之所以惜南池稱南池皆以其後
之建樹而不知其所以致此之由吾交南池垂三十年每見未嘗不見
其益進敢不爲之實紀掩諸幽以壽無窮南池世爲蒙化人大母趙州
蘇氏吾師海門先生堂兄女也先生時以清修厚德型于鄉里南池實
仰止之自失恃後率從大母依止蘇氏以析義理遏耆慾爲喫緊事雖
半菽不繼不敢一介取非其有日把一卷簞肩終夕凡少年馳騫事絕
無所染若性生然趙州人士之有識者靡不引重而益退然若不及其
以貧故媵悔之者釋然無所於校也吾與間隔必歷數年始一聚首中

聞惟自辛卯之春迄明年夏五對牀京邸日或易衣而出凜然清癯驕
榮盡落一起處之必時一頓笑之有節覺是時德性已造堅定地矣復
不得志於禮部及歲辛丑乃以大挑例分發試知縣粵東補封川令歷
五年調任香山每一達書無不以不變塞相勸處在日口躬出洋泉鉅
盜林亞五等以此特受

上知授五品服擢同知岳州營事者仍奏請還粵檄署同知瓊州專捕
餘盜遂歷諸幽險備得情形將見當事面陳之疾卒於陸豐舟次嗚呼
吾南池之爲南池豈爲是區區提民役數艘出洋梟盜畢乃志事耶願
不弔於天凡思竭誠極慮以效于

朝廷者十不展一而遽奪其年使世之知南池者僅以是事豈吾南池
之幸耶且世雖以此一事知南池而不知其有以定於素幾以爲有天
幸則南池何樂有此知矣方其任封川也前政虧帑幾七千邑小而瘠
民困復不一端爲之未期年而民信嘗與余書言其略以地連粵西盜
數來往無時緝治不力必無以安良已而獲連劫鄰境者數盜者罪而
不知其相時之急此以爲切務也及後之出洋也亦以信之結于民者
深能必民之不我貳也其致家人書曰吾方出洋心知戴

碑傳一百七

五

君目遂無賊及其擊賊目知有賊心遂無洋嗚呼此豈無所挾持而倅
於一試者乎凡民之所以信南池者何也信其身之治也夙夜未嘗偷
安脂膏不以自潤有必平之喜怒無相市之語言而已猶傳其在瓊州
也日惟啖素未嘗進一肉味吾知其爲阿好者稱之之過而要其淡泊
自持之素始終不易可見也初娶某氏繼娶趙州龔氏在粵時以尙無
子納一妾已皆生而不育臨終力疾啟父請以弟之子書城爲嗣嗚呼
孰使之然夫孰使之然夫生卒葬年月日時別書于石藏諸幽銘之曰
民之命兮

帝時思以康也分人以政兮孰其以爲良也正人而務自正兮而不延
其生也天而呼何應兮願其致與詳也

周君士孝墓誌銘

桂 裝

周君以嘉慶元年五月四日卒於官年六十將以是年歸葬於蜀嗣子
來請銘余與君交三十年知最深不容辭也君諱士孝字資敬號肅齋
其先江西吉水人轉徙貴州曾祖芝芳始居四川遂爲昌人祖師文
父萬殊君少日爲文數易稿不就一日眺遠山有悟下筆千言不加治
點乾隆庚辰舉於鄉丙戌治山東禹城縣時有水患湮沒廬舍君爲復

舊堤增新堰迄今數十年民賴以安丁父憂解官釋服除廣東新甯縣未滿歲以前攝電白事罷去直隸總督舉君霸州屯田復除文安縣其地窳下形如仰釜隄決則一縣爲魚已酉七月水大至君率人早夜修隄旣而大風雨水勢濠濠隄且壞眾懼奔散君堅立不動眾乃感發各毀牆垣負土助工隄得完固甲寅調遷安縣君歷官皆有惠政而不飾名譽前去新甯有欲爲君建祠者力止之曰民果思我曰碑不勝於生祠乎君篤信釋典長齋趺坐夜以達旦每有祈請輒得奇應文安苦蝗君旣虔禱遂有異鳥羣下啄蝗遷安蟲食禾田夫稱此蟲畏雷君立時致祝雷雨交作蟲果震死嘗曰事神莫如治心心清則神靈矣君欲人以和而取友不苟厯城周永年秀水盛百二益都李文藻皆多聞高行君與定交終身無間病篤謂其子曰我平日無損人利己事實亦無損於己此時此心但覺暢足耳端坐而逝夫人徐子三人長石蘭次立矩次琨女三人銘曰

君治縣我以爲譜也君取友我以爲輔也我銘君藏不敢不從古也

秀水縣知縣前任海甯州知州戰君效曾傳略馮浩君諱效曾字師訓號魯村姓戰氏直隸之甯津人後漢初戰競爲諫議

碑傳一百七

六

大夫五代時戰貽慶登進士第見鄭氏通志略其胄亦遙遙矣君先世本山東登州黃縣前明永樂初遷甯居伯頭鎮君祖考諱訥以叔子官贈宣武大夫祖妣方氏封恭人考諱續祖贈宣武公幼子年十五而孤借諸兄克盡哀禮砥行治家篤行著於鄉國通醫理活人不責報贈奉政大夫妣羅氏有壺德封宜人君爲獨子也天資穎秀庭訓方嚴受業明師肆力問學爲文超邁流輩乾隆壬申歲入邑庠居首癸酉科中副榜已卯科舉鄉薦旋丁父艱丙戌揀發浙江以知縣用署東陽繼署嘉湖諸邑授富陽俱有賢聲乙未陞海甯州牧地居海澨潮趨北大壘衝刷舊漲沙

睿慮軫恤民生大發帑金改建石塘魚鱗密砌星使之稽度中丞之督核羣有司運石繕材分段鳩工雲萃碁錯舟車晝夜絡繹君應接籌畫酌豐吝審緩急均勞逸殫精竭力一無遲舛洳州十年將以勤績保奏丁母艱歸服除因海塘估冊不符被議引

見仍發浙補縣暫署海甯補秀水令仍屢奉檄襄理塘工手書節略十四條上官多採用君於海塘鉅細熟諳勞最著而亦陰受其累焉杭嘉湖三郡漕糧繁重每屆輸倉民拮据恐怖君調劑合宜怨謗靜息癸丑

春夏邑北境王江涇蠶收積歉機戶失業復有北來饑民沿門索飯勢殊不馴君偕郡侯同寅各捐養廉紳士咸輸米穀普設粥廠民乃安集無譁時適奉

旨建立先蠶神廟登諸令甲歲共禋祀郡之蠶神建于龍淵古剎之東偏秀邑境也農夫村婦歌頌祈賽頓爲神觀聽訟明決不好刑求課士撫民公明慈愛以夫節縮俸金爲族眾立家塾捐地一區爲族葬墓域同祖兄敏軒官閩罷歸貧甚君撫育諸孤資給衣食爲之娶室凡公私

周急濟困之舉屢施不倦甲寅乙卯閒將咨送引見先令解軍餉赴黔省山川險遠衝寒觸暑老不告疲歸卽北上僅抵

毘陵疾作遂劇急回程至館宇一日而卒可哀也夫配李氏卒于富陽署贈宜人繼配袁氏封宜人子五俱殤女五惟季女存袁宜人及女哭極哀勸聞者皆爲墮淚仁和茂才吳照君年家後生以筆墨助君凡六年茲行及卒賴其終始扶持經理俾君家人無悔憾亦足見君厚德之感人也君生于雍正十年正月十六日亥時卒于嘉慶元年十一月十五日辰時享年六十有五余與君交非公不至重其質直坦易外莊而內和古所謂惇惇無華者乎袁宜人屬吳生乞余爲之傳誼不可辭撮

神傳一百七

其大者備戰氏家乘

論曰數年前余傳桐鄉邑侯呂君矣今何又傳君也呂君年未及艾君壽已近古稀呂有二子一人汴宮君喪回里方議立後兩君克勤於職民能思之豐此嗇彼命數不齊皆可爲太息哉

廣西潯州府知府湯府君大賓墓誌銘 趙廣玉 例封通奉大夫廣西潯州府知府湯府君既歿之明年孤子康業紹業自里中函書與狀來告葬期且乞誌墓懷玉於府君爲世姻又辱知厚重以康業等數千里之請不敢以不文辭按府君諱大賓字名書號蓉

溪先世自吳郡徙常州之武進考諱自任贈中憲大夫廣西左江兵備道清德未耀妣金太恭人嘗以諸生五應鄉試不售中憲審君有吏才謂可致諸用也爲入賈以同知需次選浙江之紹興一老吏以陋規來

探立杖之聲乃大起凡四運漕漕能悉其窳弊其運嘉興漕值大駕南巡漕艘頗礙水道乃戢眾艘於望亭列旗幟設香案恭迎

上大悅賚彩幣荷囊各二是役也漕使有津貼運弁之奏尚書舒赫德公奉命廉訊知君無他得邀輕議旋攝玉環同知會亢旱米騰貴玉環孤懸

海外商販罕至君亟發倉平糶以官錢三百萬令販戶轉輸并請撥温州倉穀濟之全活甚眾玉環田舊以三則定賦因無魚鱗冊往往構訟君履畝親勘數月冊成訟遂息嘗攝紹興府事再攝山陰縣事會海塘衝決勢甚危不待申報立出庫帑令民自具薪葦築之而酬其直凡五晝夜築工百四十餘丈上官聞報馳至隄已屹然成矣擢雲南澂江知府郡故荒僻城無門譙樓亦圯把總署久廢寄居古廟中君捐金爲倡次第修整呈貢縣有長蕩灌田所資旱則南盈北涸民嘗爭水互鬪傷及官役邑令以聚眾報幾成大獄君勒得實禡一生杖五人而已調開化與安南接壤兵弁散處村落爲築營舍居之郡自改流以來無志乘至是始編輯成書民食并鹽價苦昂請改食粵鹽價得減半有龍大黃者故土官之後頗爲民害以法懲之龍不敢肆總督某以贓敗此總督

李亮也上命大學士劉文正公往訊魄遺得罪者不少知君無染俾定其讞踰年丁中憲憂服闋補廣西之潯州首清潯關權稅平南貴縣舊皆煮穀曝之以納倉謂之熟穀往往蒸腐君患之慮難驟易乃集士民於庭取生熟穀各半礪之得米相等炊作飯多寡亦同曰是可以省煮曝之勞矣其習遂革江水驟漲田廬被災籌賑如在玉環遇旱時桂平某始以賤直買田旣而原主乞增如時價弗得訟於官久不決至是以千金關說君貯其金而喻之曰汝不惜重賄欲杜其控也彼無所得終不甘而汝之行賊且未巳何如以此畀之永杜其控乎輸金者媿服去郡人士科名不振葺講院延名師厚膏火以勸之乙酉丙戌捷鄉會者相繼兼攝梧州府事楮賦尙爲胥吏舞弊多失額乃令有田無糧者一月中首報免償隱漏之數於是報者紛紛反逾於額再令田少糧多者自報遂與舊額相符民居牆屋多用竹易致火令各設水具備不虞城中無井取水皆遠汲於江爲鑿井數十民咸賴之所至輿別利弊實力舉行類如此初不以久躉岐視也旋以余太蒸人憂歸旣免喪或勸再出曰仕宦以榮親也兩親棄養復何爲時年塵五十五耳君生不多隱德其在紹興督運也同鄉旅殯之寄京師者必記居地姓名於棺使糧艘載歸分送其家凡歷四運皆然未嘗言倦家居後增祀田贍嫻族兩遇大旱

中春宿仿唐宋人故事舉同甲九老諸會一時稱爲人瑞歲甲辰上六幸江浙率紹業迎於蘇州元妙觀

黃紵一端又以逮事祖父及見曾元

恩賜七葉衍祥扁額鄉里以爲榮公生康熙五十三年正月二十七日

卒嘉慶元年八月二十五日春秋八十有三配夫人室獨無恙人以是奇之

知民址女所居濱江少遇颶風屋宇漂沒夫人室獨無恙人以是奇之

既嫁得舅姑歡君嘗患痢幾殆禱於神願以身代疾竟瘳先君五十年

卒年三十五繼配夫人楊氏同里編修士徽女子五人雄業廣西布政

使敦業園子監生康業山東甯海州知州紹業候選府同知加郎中銜

議敘四品頂帶潯業雄業敦業潯業皆先卒女三人壻曰楊羲爻汪彪

李定國孫九人曾孫五人元孫一人嘉慶二年十一月某日葬於某鄉

之某原啟繆夫人之厝而合窆焉禮也君方頤廣頰長身神明內涵而

遇事能斷歸田三十載年德轉升門庭以內組紱輝映人皆艷羨稱道

以爲桑梓所莫及而君意念深遠欲然如弗勝蓋其所以處之之道審

矣銘曰

其行已也不溢不危其接物也不激不隨莫窺乎微徒羨厥盛奕奕門

基基於德政元堂載下既安且甯我無媿辭視此刻銘

故江甯縣知縣前翰林院庶吉士袁君枚傳

孫星衍

袁枚字子才號簡齋浙江錢塘人幼有異稟年十二爲縣學生二十一

在廣西巡撫金鉷署爲銅鼓賦援筆立成不加點竄鉷愛其才會開博

學宏詞科舉枚應

詔入都以乾隆三年戊午科順天舉人中己未科進士選庶吉士故事

翰林習

國書勿預漢考校掌院史文靖貽直奇其才命擬奏疏一通曰通達政

體賈生流也散館以未嫻

清字改知縣分發江南初試溧水調江浦沈陽再調江甯枚常言爲守

令者當嚴束家奴吏役使官民無壅隔則百弊自除其爲政終日坐堂

皇任吏民自事有小訟獄立判遣無稽留者多設耳目方略集鄉保詢

盜賊及諸惡少姓名出所簿記相質正使不能隱則榜其姓名許三年

無犯滄雪之姦民皆斂迹方山谿洞外兩氓爭地無契券訟久莫能斷

枚視案山積矣曰此左氏所云晉鄭之間符驗使各開壘升科聞者皆

則破家吾當爲汝了之乃盡去舊案別給符驗使各開壘升科聞者皆

欺賞有賈人販布舟觸戰船溺死一兵眾兵縛控舟子兼及客枚心知

過失殺無罪而累客必傾貲乃令乘風張帆作觸舟狀縱之去以埋葬

錢發兵完案侍郎尹會一督學武昌甯有兩騎衝其前磨且罵稱親王家奴他縣尹不敢問枚立擒治則爲大將軍投書制府者也搜其篋得關節書十餘封悉焚之重撻遣去十三年江南災銅井民運米至吳門有牽羸劫之者枚以荒政當弛刑召其魁詢之乃土人過糶非劫也論以情法追米還之已而吳門有過糶毆官之獄上司歎賞枚得政體其敏而能斷類此初枚爲溧水知縣其父自廣西來盧枚年少不諳吏治乃匿姓名訪諸野有女子告曰吾邑袁知縣政若神明其父乃大喜入署其後土人多以枚斷訟事附會爲小說迄枚僑居江甯山無牆垣數十年盜賊不忍攘其什物者其得民如此旋以母疾去官服闋發陝西以知縣用丁父艱歸遂牒請養母卜築於江甯之小倉山號隨園聚書籍爲詩古文如是五十年終不復仕當是時

清興且百年矣海宇又安物力充裕江左當道以其餘力開閭延賓牧以山人預其游排日燕樂或畏其雌黃爭致金幣枚又崇飾池館高下下隨山結構祿以五色雲母窗綉爛巖谷畜珍禽奇獸張燈聳動游人自皇華使者下至淮南賈販多聞名造謁請交歡者相國某柄政極豪侈至命工圖繪其園仿而作第經略大僚有馳書甘執贖門下者一

紳傳一百七

時名譽傾動四海然枚詼諧跌宕自行胃懷未嘗爲勢要牽引年逾耳順猶獨游名山嘗至天台雁宕黃山匡廬羅浮桂林南岳瀟湘洞庭武夷丹霞四明雪竇皆窮其勝舟車所過攀轅授館疑古人復生乃至道釋間問之能詩者皆就質焉枚長身鶴立廣頰豐下齒如編貝聲若洪鐘生平事母孝友于姊弟母年八十四而終迎養寡姊年至九十妻亦白髮齊眉一家怡怡如也正家之法井井如也篤于故舊嘗爲亡友沈凡民司祭埽卅年如一日程編修晉芳死負五千金往弔焚其券且撫立其孤尤喜汲引後進一時才士多出其門嘗自稱吾之官不擇日葬親徙宅不用形家言而未嘗遇患不學仙佞佛而年登大耋不尙貸求索而饋論者四方不絕不講學而神解超然又自爲詩云自歎匡時好才調被天強派作詩人非虛語也昔晉劉惔謂王濛性至通而自然有節嵇康稱阮裕傲然忘賢而賢與度遇忽然任心而心與善游枚其有焉枚旣山居年又最高歷四朝乃取康熙至乾隆間所識名臣事狀諮諏其子孫僚友各編次爲碑傳傳聞或有譌舛然其逸事足以裨益正史自言爲詩專寫性情不得已而逢典故不分門戶乃無心而合唐音又言詩人家數甚多須知

王孟清幽豈可施諸邊塞杜韓排稟未便播之管絃沈宋莊重到山林
則俗盧仝險怪登廟堂則野韋柳雋逸不宜長篇蘇黃瘦硬短于情韻
悱惻芬芳非温李不可屬詞比事非元白不能范蔚宗言人識同體之
善而忘異量之美此大病也故其所為詩文天才橫逸方物尤長駢體
抑揚跌宕得六朝體格撰小倉山房詩文集七十卷詩話尺牘說部之
屬若干卷以嘉慶二年十一月十七日卒年八十有二先是枚自葬其
親于所居隨園之西百餘步又營生曠以耐之旁則環葬奴婢工匠及
鄰人之無後者累累數十家自言吾死不寂寞矣嘗有術者推枚六十
二而得子七十六而下世及得子如術者言至七十六以為當死擬陶
潛作自挽詩及其年歲除又作告存詩其曠達之致如此二子曰通曰
運通以弟子為嗣

舊史氏曰先生有吏才通達政體而議論務出于宏厚雖不竟其用亦
一代循吏也退而惜以文自見然其成就有足觀焉吾聞句金之間號
為福地世有異人其身名俱泰與陶宏景代興者矣

偃師縣知縣王君復初字敦初一字秋騰浙江嘉興府秀水縣人曾祖考諱某

君姓王氏諱復字敦初一字秋騰浙江嘉興府秀水縣人曾祖考諱某

勅贈承德郎內閣中書舍人祖考諱某勅贈承德郎內閣中書舍人晉

贈奉直大夫刑部廣西司主事加一級考諱又曾辛未

車駕南巡召試入等賜舉人內閣中書舍人甲戌成進士官刑部廣西

司主事著有丁辛老屋集行世配吳宜人先卒繼陶宜人人生二子長諱

某君其次也乾隆二十六年辛巳刑部棄世君年十有四居喪毀瘠杖

不能興弔者感歎初刑部官京邸不為生業日借諸老輩以文酒自娛

及引疾歷游巨廬出益浦口登大別返棹邗上久之病且卒貧無一椽

用遺後人以故君困益甚乃走揚州依府教授金君棕亭棕亭奇其材

數為稱譽商某慕之延于家君往來歸省摺縮歲所入進以奉母母卒
終喪援例為國子監生應順天鄉試考授主簿職銜對品改指府知事
時故太子少保兵部尚書總督兩湖鎮洋畢公鎮陝右上謁一見即大
相引重要置幕下奏請留陝西試用越歲乙巳移撫河南仍奏請隨往
又以改撥河工委用君於是署濬縣丞及鄆陵臨漳武陟諸縣事實任
武陟又一署考城尋調商邱吏議解任引見得
旨仍以知縣用既署臨潁遂授偃師視事幾三歲遽遭疾以卒君初客
西安也畢公方致天下士士得依其幕者皆稱奇彥君既為所薦從左

右益習掌故凡奏疏簡牘會移往來札致四方諸書問盈几重疊悉以委君君應手立辦又因檄檢視各縣屬所至登臨歷攬終南太華之秀屬思益敏絕歸以奏記幕府莫不歎異及隨畢公至河南歲時防汛更曉民隱疾苦其視急人之急惕然如恐不及武陟瀕通沁水夏間潢溢衝激木蘭店橋柱盡傾折君爲竭賞振瞻及調商邱會工次告險避溺者喘息羣屬於道君身馳騎奔視相機指趨立督役夫搶護四晝夜始稱保固積二年去官再起署臨潁縣西北潁水迤折流入界甲寅六月浸漫自風狗灣下潰夾道鍋甍任王諸堤幾百餘丈屢築屢決君蒞事廢寢食窮方禦之工不竣會有言厭勝爲禱釀計者君顧納其策積誠致禱捲掃驟下迅若風颶須臾覆土墳起溢流爲卻於時眾力齊舉謹呼稱神最後官偃師環城舊堤歲久頽剝不治前知縣滿洲耀君德諸城王君垂絡踵事修築迄三十餘年中遭淫潦泛溢伊洛薄堤者再水退人輒偷息長吏又莫肯倡役居者病之君至尋覽地形起白虎堰迤次連互凡築一千九百二十六丈頂寬丈有六尺底闊五丈增新土十萬一千九百四十五方較舊工四倍其數望之屹如連山賴君勤劬督作役無曠愒虛邪壘呼聲徹十里不六旬而畢事實嘉慶二年三月

碑傳一百七

三

某日也先是在商邱君沿檄赴省會數日縣民韓士魁與郟繼文闕許已解去適許名揚踵至更勦繼文忿相撲繼文老不支仆地遽死名揚屬證佐厚誣士魁代驗治者卒不能明君歸反覆徐察得情由是士魁獲釋其泣他縣尤過爲矜惻多方折翼以全活疑獄後竟坐此自累臨漳姦民號震卦教主林進道等事覺大吏屬君卽訊君視諸所誣誤牽連動輒千人多分疏其可原者原之及部覆議以失察降免君殊不自悔其天性過於仁如此君凡爲縣興學崇讓喜延接士類數與談讌款曲各盡其意中有貧不自謀者周恤尤至其才而異者亦必振成其名與外交氣誼相矜許力爲伉俠之行緩急所投必傾力從事不爲窘縮計也故舊遠來過從必主君衙齋竟日流連甚至夜漏過半僮奴私切切耳語君顧樂之忘疲少喜爲詩長益日篇什不夜收拾存編刊見吳會英才集凡四卷更哀前後所作名晚晴軒詩集又八卷詞一卷著偃師金石遺文補錄十六卷君旣病尙輯刻康成氏遺書駁五經異義箴膏肓起廢疾發墨守鄭志其若干卷比是書成君瞑不及視矣今歲春君遭疾入夏漸劇猶幸漸有瘳七月中公薨問至自湖南君一痛隕絕旣蘇家人強慰籍之益忽忽感喟遂致不起其卒蓋以九月二

日年五十有一配吳孺人早卒生二女皆字人未適以殤側室張生子
二崧生聘同縣徐君錫昌女梁生聘廣東廣州府糧捕通判江陰屠君
子女二長字蘭陽縣知縣武進徐君書受長子次幼未字嗚呼君以孤
篋子立起膺薦舉入仕衿衿不憚況瘁終致所在有聲績可效是可風
也巳子前哭君之喪暗其兩孤弱不能述君事行之詳予辱與君相知
最故輒卽已所聞見及事在人耳目者略著於篇以俟君海內知交
採撥爲銘以圖不朽

安肅縣知縣沈君可培傳略

君諱可培字蒙泉號向齋姓沈氏嘉興人世居里仁鄉竹林里耕讀遞
傳潛德弗耀父諱承勳國學生例得以君封文林郎母高氏例封孺人
君爲封翁次子自幼沈靜向學八歲聽塾師論乾坤卦卽以二卦陰陽
不雜爲文質師驚異之年長誦諸經咸通其義而尤邃于易析理測數
雪亮氷融爲文出手英爽造詣日深根柢理窟沈著宏暢乾隆丁丑學
使寶東皋先生取入縣學辛卯舉於鄉壬辰會試聯捷第五名君自爲
秀才十餘年鬱而未昌辛卯春初余主駕湖書院由附課聯拔冠內肄
業君意氣奮揚遂爲科第先聲譬之蘊火一撥炎故於余執弟子禮

碑傳一百七

甚恭廷試

賜同進士出身以知縣卽用選江西上高縣主瘠好訟每爭山地聚門
戕命嚴爲禁諭習稍戢增放陽書院膏火劃界埠嶮路便行旅民稱爲
沈公嶺嬰疾告歸家貧侍養不贖鄉試座主莊方耕先生視學中州招
入幕丁酉歸遭父艱仍遊山左同宗運河觀察青齋請課其子因稽古
今治河同異爲東運鏡機一卷資其考核服闋赴補發直隸署吳橋縣
駕幸五臺辦兩大營署寶坻補安肅縣當西路孔道甘省逆回蘇四
十三作亂王師勦捕使傳旁午絡繹一一儲備周詳無闕滯上游方歎
其書生而爲能吏乃以寶坻時責結小案復因它訟牽連部議疏縱降
調旋遭母喪庚戌入都列名經壇恭祝

高宗純皇帝八旬萬壽賞給原銜自是知命安貧惟以講學授徒終其
身矣歷主書院以山左濼源爲大蓋合白鶴白雪濼口蒿庵諸生徒萃
聚其中中丞以下莫不加意培養修廓堂舍君崇古訓戒諛聞以篤實
輝光爲英才敦勵諸生樂其和易誠切翕然心服有濼源問答六卷凡
五載移青州雲門書院院爲朱沅公矮松園故址松柏八百餘株長
夏陰翳居甚適輯雲門書院志四卷年老辭歸遠近爭執經問業闕藩

安陽田公強邀之去以疾旋里郡侯長白耐園伊公延課其子適駕湖
書院虛席卽請爲山長多士競喜得師纔自鄉抵城疲證陡發扶回閱
年餘以卒實嘉慶四年九月廿六日年六十有三君之文行皆從經書
醞釀而出治民課士莊敬而和平經義精深文體雄厚所至主人皆敬
禮或有以案牘干者必峻卻之其古作者流歎君子人歎餘事兼能書
畫所著更有星度釋略六卷稱名紀麗四卷取宋人所敘陶靖節年譜
以編其詩爲讀陶紀年四卷及依竹山房詩集與制藝若干篇藏于家
配程孺人子一彝銘善讀父書工制藝隨任時充國學生歸而呈請應
童子試遂冠郡庠旋食餼遵例候選儒學訓導孫某某余旣抗顏自居
彝銘請爲傳約書之如右

論曰說者咎時文爲陳爛不足以甄實學夫時文體聖賢意旨探經典
精奧道德謨猷取理萬事咸備不遺科目中以時文名蔚爲賢達者多
矣授徒者不討根源習業者專趨好尚虛車浮梗倖獲卽棄筌蹄非可
委其弊於體式也風雲月露之辭雕績滿眼更何裨心身政事向齋仕
學交優無愧師範宜郡中學子羣歎息之哉

碑傳集卷一百八目錄

乾隆朝守令下之下

博山縣知縣武君億墓誌銘 朱珪

又武虛谷傳 法式善

又武億傳 孫星衍

山西大同府知府袁君知墓誌銘 梁同書

廣州府知府顧光墓表 秦瀛

陝西臨潼縣知縣陞商州直隸州知州莊府君映墓誌銘 趙懷玉

玉田縣知縣倪君為賢家傳 沈寶麟

循良喬侯履信傳 雷亨

成安知縣王先生琨墓誌銘 丁子復

陝西宜川縣知縣路君學宏墓表 趙懷玉

循吏汪輝祖傳 阮元

鄧先生夢琴墓誌銘 董詔

又漢中府知府護漢興道鄧公墓誌銘 傅敬

戶部廣東司員外郎前甘肅靈州知州楊君芳燦墓誌銘 趙懷玉

莊先生述祖行狀 宋翔鳳

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

又漢中府知府護漢興道鄧公墓誌銘 傅敬

乾隆朝守令下之下

朱堯

博山縣知縣武君億墓誌銘
偃師虛谷武君旣卒之明年其孤穆清走京師來謁曰先君從游笥河先生久及官博山也以所學見諸施行克廉以惠乃以懲番役事罷官民歌思之不忘

今上廉知其枉特詔檄調來京而先期厭世命也公悉其本末既詳乞銘之以彰不朽則死者誠不死也予不獲辭案狀君姓武氏名億字虛谷先世由懷慶軍籍遷偃師當

國初時維翰為君之會祖君祖朝龍考紹周雍正癸卯進士歷官至吏部郎中事蹟見笥河先兄所作神道碑兄弟六人君第五貌魁偉少喜讀書年十七喪父將冠母孟生母郭皆逝時伊洛溢屋圯架洿隰以居誦讀不輟斧朽木燎寒傷足血殷不顧年二十一縣試第一明年入學

乾隆庚寅舉鄉試庚子會試中式賜同進士出身以知縣歸班用辛亥選山東博山縣季冬之官問土俗

碑傳一百八

一

利病釐比邱尼勸節儉勸范泉書院進其秀者躬親講授以敦倫實學

革煤炭供饋里馬草豆絕不以累民決辭無留獄禱雨卽沛有千以賄金二千者曰汝不聞雷聲乎某矢禱久矣輿情大洽乾隆壬子和伯相

兼步軍統領風聞妄人言山東反賊王倫未定死密差番役四出蹤跡之于是副頭目杜成德曹君錫等從十一人橫行州縣入博山境信宿

飲博手鐵尺指揮莫敢誰何君率役往悉取執之杜成德尤倔強出牌擲之堂暝目厲聲曰吾輩奉提督府牌緝要犯汝何官也不肯屈膝君

立命役搃其脛伏地杖之曰牌役二名此外十一人為誰且牌文明言所在報有司協緝汝來三日不吾謁何也吾通揭汝等騷擾狀矣于是

咸叩頭求解去其事喧傳省中曰武博山鹵莽禍巨測且所緝何犯也府曰武令濫責無罪乃直書其事劾之伯相晒曰是暴吾差役之不謹

而陰為強項令地也封還其疏乃易以任性行杖空言奏上報罷其時闔縣民聞武君去官攜老弱入省幾千餘人乞留我好官大府察其情

悔之曰必還汝知縣散歸無譁乃挈君隨入覲將為謀捐復策而伯相總吏部駁之其說遂寢謝曰君優于學且清貧為授館于東昌啟文書

院君雅不欲以己事累博山父老遂就聘其後館于亳州臨清魯山安陽鄧州無虛歲所至以小學經史古文倫品教生徒曰安往非吾學何必任然知君者咸歎惜之嘉慶四年

今天子親政和既伏辜詔各舉所知于是君之去官事聞敕吏部原任山東博山縣知縣武億

行文豫省巡撫咨部引見將革職原案查奏十一月二十九日旨也而君先一月病終于里嗚呼天既白其令名而又奪之壽考耶豈

陽德消長復之難而亨尤不易耶君勇于著錄有經讀考異義證金石跋詩文集百餘卷藏弃于家可為不愧好古遺直者矣生于乾隆十年

乙丑十一月二十二日卒于嘉慶四年己未十月二十九日年五十有五配呂孺人男子三穆淳優貢生景淳後于叔父盛淳女子子二孫一

未某年月日葬于某銘曰嗜古若渴氣食牛嫗民慈母愛不媮不畏強禦剛純鉤先追詔逝陽道

州直幹屈鐵銘松楸又武虛谷傳法式善君姓武名億字虛谷一字小石自號半石山人河南偃師人乾隆三十

五年舉于鄉四十五年成進士五十六年選山東博山知縣官七月而罷君之官博山也縣產煤炭上官咸取給焉民苦挽運又舊不置驛按

戶納錢買馬以充郵遞徭秣之費民則供之君皆裁去民不務農以逐末而耗其財君繪流民圖以感之民多化者有奸民與商賈雜居寺觀

為諸不法事君嚴懲之俗遂革邑有孝子節婦必先榜其門而後具狀請旌又建范泉書院以教士居官數月所欲為者將次第舉行而杖軍

役之事興軍役曹君錫杜成德者隸步軍統領衙門假緝捕為名而招結無賴十一人橫行州縣人莫敢誰何入博山三日不去君則悉禽之將治以法君錫成德出牌擲堂上不稍屈君擲其脛而數之曰此朝廷縣堂也余奉朝廷命宰是堂者也余知有朝廷烏知所謂步軍統領且牌稱所到之處報縣協捕若來三日矣不吾面何也牌稱二役耳十一人奚自來一一杖之君固以治營卒酌酒

事上官欲君與某弁和君弗聽而積之忤也及聞是事慮獲咎于步軍統領又入丞劉某之謗遂劾君濫刑罷官日縣民赴省垣乞留者數百人上官悔之適入覲令君偕行為謀捐復章佳文成公在朝堂抗聲謂

上官曰君劾某令何不明疏其罪願乃以虛辭陷疆項吏耶時步軍統領意未解聞此言愈怒遂以吏議沮格之君乃以不能復官歸君少有異稟年十二卽能屬文塾師課之經輒能舉疑義以相質難十七喪父十九喪母哀痛毀瘠益以讀書自勵君父官中外三十年無僭石儲君又不問生計衣食幾不能給歲大水伊洛漫溢家室傾圮君自負敗木植泥潦閒壅以沙石覆以葭葦穴一隙通天光樞僕而入不廢吟嘯嘗手風雪中取枯柳供爨薪手僵斧墮傷足血淫淫誼誦讀自若君身長八尺腰腹十圍狀貌奇傑多膂力嘗攜弟柘南歸方盛夏多雨遇泥濘輒手助推挽足重繭不以爲勞方未第時居京師從朱笥河先生遊及里居聞笥河訃徒步往奔其喪高縣典史某賢而死于官貧不能歸解衣資之去又嘗假買息置義田以瘞遺骸在京師某顯官爲君父門下士願君一見終不往其天性摯厚而介介自守又如此君在笥河先生門以樸學爲同遊所推服其自京師旋貧不能歸仍至博山授徒東昌主講清源書院修魯山郝寶豐三縣志凡五年始歸里安陽令趙君希璜與君同受業于笥河者乃延君至署訂金石文字而君則已病矣嘉慶四年十月廿九日君卒于家時大臣專疏薦君迨

神傳一百八

三

特召之旨下而君歿已逾月聞者無不惜之所著有經讀考異羣經義證三禮義證授堂劄記金石三跋授堂金石續跋假師金石遺文補錄

讀史金石集目錄錢譜授堂詩文集若干卷

太史氏曰余與虛谷爲同年友交相得也君懷用世志慷慨自期許方在魯山時楚匪至唐鄧君議當于交口鎮設兵扼荆襄之險于西山諸村塢立保甲以杜賊之來計未行而賊果至苟充君之才豈不能有所樹立乃卒以忤權貴爲世所棄雖然棄之于千萬人而取之于一二入其輕重必有能辨之者況垂死而受

聖天子之知遇乎哉

又武億傳

孫星衍

武億字虛谷河南偃師人先世居山東聊城縣勝國時有遠祖名恂者以指揮使駐懷慶遂爲河南人曾祖維翰

國朝順治間遷偃師祖朝龍有隱德載在方志俱贈奉政大夫吏部驗封司員外郎父紹周雍正癸卯科進士由安徽東流縣知縣行取主事官至吏部驗封司郎中監督倉場有政績嫡兄三人修俊伸同母兄一人倬弟一人儒億生於京邸少有異表不苟嬉戲八九歲以朱墨點定

明代名人制義第其高下父驚愛之年十二徧覽九經諸子爲文下筆
千言年十七至十九連遭父及母孟氏生母郭氏喪哀毀骨立鄉里感
歎億父故清宦官中外卅餘年家無儋石儲值伊洛暴溢宅舍盡圯億
就高架木爲小屋讀書其中嚴冬衣敗絮或遇大風雪持斧出取薪爇
火手僵斧落傷足血沒踝忍痛歸誦書益力服闕應縣試第一入學爲
附生乾隆庚寅科中式本省鄉試第六名舉人三應禮部試皆報罷因
遊朱學士筠之門時學士負海內文望門下士多一時賢俊闊達不羈
之才億盡與交遊而獨以文章氣誼相勸厲學士雅重之爲延譽然性
樸直不喜干謁惟布衣履躡就日下書肆購異書所得金石古文皆爲
攷證學日益進庚子科成進士五十六年謁選授山東博山縣知縣縣
多山土瘠民不務農業地產石炭石礬燒作琉璃器皿供億繁多商賈
輻湊奸宄所在匿迹億下車思所以變易風俗然後以經術飾吏治因
校士發策問邑中最敗風俗者附郭佛寺多女尼常銜服作佛事遊閭
闔閒聚觀者猥雜生事億汰存其老病廢疾者餘悉遣嫁之歲時出講
鄉約至遠僻邨落因加諭教訟事無大小至則判決之或呼冤不及其
詞狀召兩造折以片言無不得其情而去胥吏無所施其弊縣僻無驛

碑傳一百八

四

傳有急事假里馬以供役轉相科斂豪者利其事億禁革之前官有以
石炭饋上官者浸以成俗億察民運載山徑中大不便手疏其患苦請
除之捐貲議立書院於城東范文正祠傍邑人感激輸將閱兩月工竣
命曰范泉書院親臨講課口授指畫示以訓誥文字通經術樹風節之
要士皆勤奮檄治鄰邑煤窯獄窯戶介典史某以白金二千進典史憚
億威望不敢言億廉知之因禱雨謂典史吾禱於神雖貧不爲墨吏也
雷霆實聞之時方震雷典史驚悚遂獲澍雨先是縣營弁某有不法卒
張保曾爲弁奪娼爲妾億因他事治之急弁屬上官某爲緩頰不聽自
是拂上官意會有步軍統領衙門番役頭目曹君錫杜成德者倚朝貴
勢出都揆事招從惡少十餘人縱飲博橫於縣中億擒至堂下稱奉要
人令不服罪按法笞辱之時秉政者勢張甚外臺多承望風旨上官某
聞之以爲禍至無日矣乃厚贈番役行而假名濫刑平民劾億罷職億
官博山纔七閱月耳縣民間億受代則扶老攜幼率千餘人赴省乞留
大吏某故賢者劾億時特爲守所持及見民情大感動因入覲約與偕
行爲籌捐復時故大學士公阿文成公見大吏於朝謂之曰例禁番役
出京畿奈何責縣令按法之非且隱其實而劾強項吏何也大吏漢自

悔然卒格於部議歸博山民猶謂當復任老弱遠迎界外告之故人人
哭失聲已而相與館故令家於縣中朝夕饋問億愈不忍以家口累民
乃遣歸其鄉而自閒遊東昌臨清開藉書院以餬口至河南詣好士友
人與修縣志以終其身嘉慶四年十月卒於鄧州客館得年五十有五
是冬有

旨命朝臣密保內外員操守端潔才猷兼濟及平日居官事蹟可據者
赴部候

旨召用億名在保薦中縣令捧檄至門亡已一月矣億至性澆篤生平
重風義嘗由都奉兄倬樞南歸乏資斧手輓鹿車不避溽暑泥濘比達
里門足重齒旣葬爲之立後旂孫有孤貧者十五年與同爨聞師喪千
里奔赴嵩縣典史某卒喪不能歸解衣質錢資之行設義田縣北郊收
偃師之棄殤者冀以厚風俗在魯山時楚匪擾至河南唐鄧之境億爲
令區畫議復魯陽關設兵防交口鎮以扼荆襄要路立保甲西山諸鄉
塢防逸賊竄匿未及行而交口鎮西山俱被賊焚掠無餘鄧州旣經蹂
躪士民禦賊死事者未得申上其實億勸立國殤祠以厲鄉勇其以維
持風教爲己任類此億通貫經籍講學依據漢儒師授不蹈宋明人空

碑傳一百八

五

虛臆說之習所著經義原本三代古書疏通貫孔疑滯凡數百事所得
列代金石爲古人未見者數十通因之攷正史傳者又數十事今中州
人知讀古書崇經學搜訪碑刻備一方掌故多自億爲倡始云撰羣經
義證經讀攷異三禮義證讀史金石集日授堂金石跋錢譜詩文集札
記之屬數百卷與修魯山郊寶豐安陽四縣志行於世子三人穆澆景
涇盛涇孫未

舊史氏曰武君真循吏也在官七月而得民心如是令久於其任治行
當不止此爲縣令者人人知億吏治之弊不至不可移易墨吏負帛愈
多去之愈有所牽掣強項吏一出而被劾且以沽名相詬嫉不遇非常
察舉之

詔何以厲廉節耶子與武君安最密知其事始末甚悉及子罷山東廉
使任爲阿附朝貴者所媒擊事大類武君獨爲君子求治太急固俗所
忌耶抑遇非其時也直諫多聞之交又弱一个悲已

謹案原編有毀五嶽寢廟議一首已見經世文編今不錄

山西大同府知府袁君知墓誌銘梁同書
山西大同府知府袁君先文莊公乾隆壬午主順天鄉試所取士也君

始以諸生食廩餼循例肄業太學已訓導待選既捷賢書於丙戌會試榜後取國子監學正己丑榜復取中書未補用以考取歲安宮教習期滿以知縣揀發江蘇歷睢甯南匯旋補宜興調武進又調銅山晉江甯船政同知又以保舉送部引見

特授山西大同府知府兩署雁平兵備道事年七十有三卒於官君以文學起家爲政慕古循吏而治獄尤詳慎其官宜興也縣有積獄千餘自君莅任坐堂皇聽決至漏四下不倦卒以次胥斷先是有勾徒聚匪劫掠賤人命再矣而未得主名君一日過廢刹見其旁有人瑟縮然疑之執訊之得其先時殺人狀發其藏有血衣存卒逮捕其黨具獄以上分首從伏誅靖江獲盜七八已擬辟矣大吏檄君復勘君察其非盜也研鞫之得其爲盜所脅情甚確卒白于上脫之君以能治獄名故大吏亦屢檄君會勘他邑獄其所平反甚夥其遇事精察尤能慮度終始宜興縣旁東西兩汜路通洞庭易爲漁戶藏奸君爲編排網舟字號宵小無以匿宜興產米甲他邑歲納糧時糧戶競進君慮其狼戾爲按日分區納者無後時亦無敢爭先者君既去宜興後奉以爲法其官銅山也值淮徐二府歲大歉君下車按城鄉遠近分設粥廠日詣親驗胥吏無

碑傳一百八

六

敢爲奸時有以大戶圍積告者君徐諭之曰安富戶卽以育貧民何騷擾爲旣大戶亦感君意爭輸粟數百石數十石不等賑賴以繼銅山舊例辦樁料備河堤工恆苦不給君爲分歲料以儲常需撥飛料以濟急用用以無闕其任大同也所轄七縣一州一廳事無鉅細咸親理之無留贖大同舊隸邊外紅旗牧地凡市易稅周岩嶺三百六十餘里君心惻其遠牒請於得勝堡設關代徵計程近二十里商民稱便郡治與雲橋爲元泰定中建綿互數里歲久圯行旅病涉君捐廉俸創始鳩工期而工竣蓋公之爲民計非止一時一事惜夫君之不得永其澤而遽沒也君少以懋學能文有聲鬢序及登仕籍屢任劇邑一爲大府其所設施卓犖如是賢者固不可測而或謂政事與文學不能合一豈其然乎惟先公始以文學知君不得見君之政事余獲附通家之誼又偃君久宦于外不得及君之生時數接其言論也然自君歿而游先公之門者亦鮮矣悲夫君卒于嘉慶五年八月十九日諱知字紆亭雪廬君號也籍杭之新城徙居錢唐則自君祖始君祖諱岑考諱可達並贈如君官祖妣宋氏繼祖妣周氏周氏皆贈恭人其封恭人者姓朱氏爲君之配長子涇江蘇淮安府山旰通判次子濠候選府同知先君卒溟則

君之第三子也女適同里歲貢生候選訓導祝泉孫二人桐槐孫女七人君卒後十年庚午八月初十日溼等卜葬君於西溪小馬山之陽以

朱恭人祔先期來請銘銘曰處純儒出循吏維民賴良有司君起而尚吏治江之左民曰微君我君

垂而欲不沒於千秋視此銘辭

廣州府知府顧光墓表

余官杭州獲交前廣州守顧涑園先生先生之齒長余二十有四歲以

鉅人長德每修敬於余余報謁屏車騎入則先生居委巷中屋數椽甚

陋儻從一人以貧授生徒自給見者不知其嘗爲太守也豈所謂處脂

不潤者歟今年冬余述職至京師還聞先生沒且葬有日矣其孤以狀

乞余表其墓按狀先生姓顧氏諱光字彥青號涑園以舊居梅東橋嘗

自號河干先生晚歲又稱梅東老人世爲浙江仁和人祖人豪父濤並

有隱德贈文林郎盧龍縣知縣祖妣邵氏陳氏妣詹氏並贈孺人先生

年十八補博士弟子員乾隆三年戊午舉於鄉十七年壬申揀發直隸

以知縣用補清豐縣知縣調盧龍遷貴州安順府郎岱同知擢廣東廣

州府知府以忤大府引疾歸先生宅心想慮已廉講求經濟務爲有用

之學其官直隸所領多劇邑郎岱在萬山中苗民雜處廣州又爲粵首

郡案牘填委先生所至輒辦治前後賑饑民懲奸究雪冤獄雖未竟其

施皆有政蹟可紀而余所親得之于杭人者則尤信而有徵焉蓋先生

碑傳一百八

秦嶺

秦嶺

秦嶺

秦嶺

秦嶺

秦嶺

秦嶺

秦嶺

秦嶺

秦嶺

秦嶺

秦嶺

秦嶺

秦嶺

秦嶺

秦嶺

子二伶齡修齡皆諸生副室張出女五屠出者二嫁娶皆士族孫女二墓在某縣某岡之某原

陝西臨潼縣知縣陞商州直隸州知州莊府君映墓誌銘趙懷玉

故商州知州莊府君沒之三載孤關和等卜兆協吉持狀請銘君與先

君先後歸田稱莫逆懷玉與關和兄弟少爲文字交長孫穎會又子女

夫也世嫻之好其何敢辭君諱映字兼訥晚號學晦高祖起元明太僕

寺少卿會祖應會刑部右侍郎祖岍生贈文林郎考紹平宜城縣知縣

莊於吾郡雖世通顯至是已中落年十二從師鄉塾遇寒食還舍母鄒

太宜人呵之曰家貧方宜努力何令節之有而以歸爲復冒雨去往返

蓋三十里其勵學如此稍長從宜城君入都寄大興籍補生員第一乾

隆辛酉宜城之官念父遠道獨行遂不就試隨侍入楚讀書之暇明習

吏事未幾宜城罷議旋卒君先期已奉母歸賓客僮奴之司筦庫者各

散去君至按籍交納後令無以難也免喪三試不售壬申中順天舉人

以迴避格禮部試戚友知其才勸速仕爲祿養計且飲以費困入貲爲

令棟發陝西試汧陽補禮泉攝咸甯調臨潼其在汧陽每獄輒疏其

始末巡撫按邊問訟事繁簡見所判牘下州縣以爲法獄未允必與大

吏力爭嘗因事面折巡撫明德公公怒甚終不爲屈及明德公成新疆

諸受拔擢者瑟縮退君獨周旋患難舉裘爲贈繼撫者陳公宏謀一見

契合題授醴泉時烏魯木齊用兵添設中站驛馬少借給於民胥吏欲

弗遂則斃所乘騎民大苦之君禁借民馬撥帑金買充募民之無業者

職飼養使遞羽書皆樂用命比撤站賣馬還帑猶多羨金邑有衛丁數

百家授田盡礲確且沙水爲患舊額重積逋又請上官減其糧額已卯

充鄉試同考官校閱無遺憾其攝咸甯多積案未結有兩造死猶下牒

拘訊者命吏呈牘則纍纍盈几檢視既周次第剖決案爲之空居禮泉

五年輿情悅服去任獄無死囚在臨潼值歲侵斗麥錢五百他邑匿災

不上或借採買重斂自肥君以實報得緩徵又捐金爲倡設粥廠施絮

衣全活頗眾他邑民至者居以寺觀未嘗岐視會巡撫鄂弼公查社倉

穀數虧者過半立限奏追時穀價三倍窮黎束手自布政以下莫敢申

論君慨然曰民瀕死亡忍更鞭笞之邪歲已偪除馳至西安泣陳情狀

請俟穀賤補償良久巡撫動容令以牒請牒上署可得通行展限迺擇

穀之紅腐者減價糶之明年麥大稔以糶價糶償所虧適如其額是役

也免千萬人囹圄箠楚而於倉儲固未絲髮損仁心仁術殆兼有焉明

德公再撫陝西薦堪勝知府有

旨記名候陞然以母春秋高決意乞養及遷商州而君已就道矣事鄒

太宜人死無違禮與弟勇成甚友愛里居既久贈窮乏息紛競人多

賴之易簀之日索衣冠跌坐連呼曰樂境化遂嘆以嘉慶六年九月十

七日卒年八十有四配宜人徐氏翰林院庶吉士依孫女候選州同知

純昭女賢孝有家法勤身約己而處事各當為嫗族所師後君一年卒

年八十二嘉慶九年十月壬申合葬於南鄉菱港之原子六人關和國

子監生文和雲南永北直隸同知泉和國子監生廷綬國子監生慶和

同和縣學生員女七人呂蘭枝吳錫緒王育瑜倪時慶楊炯汪和鼎汪

變其壻也孫十人孫女十人曾孫四人君棲神家衞垂四十年伉儷偕

老孫曾滿前人徒見其極林泉頤養之福而不知有足以致之者在也

勞以生息以死莊之先善終始人而神豈殊理樂與化得其旨宜子孫

方趾美宅孔安永千祀

玉田縣知縣倪君為賢家傳

倪君名為賢字小迂江蘇崇明縣人也乾隆丁酉拔貢朝考一等以知

縣用初授湖南清泉縣未幾以憂去服除補直隸玉田縣玉田當孔道

驛馬不足牽雇民車驟舊設車頭直其事猾者遂脫商賈轄于道農人

入市要諸郭門羈其牲畜責贖其人積財力至交結權要君潛至境廉

得狀履任日命捕之役不敢往君扶之別遣兩健者繫之來不問徑付

獄翌日持某相國書來君曰某未識必誤也不啟緘還之案洽如律自

後不設車頭及差徭避役給直取辦縣人稱便嘉慶六年畿東南大水

君刺舟入鄉散粥餽錄戶口授錢米票悉不委吏吏亦素憚君不敢欺

制府熊公按賑至君謁閣者延之入私室君不應聞詐辭君去乃通揭

旋以去告制府固候君久怒追之還君不辨亦不謝制府即取君給民

日籍覈之悉與報籍符較四鄉賑所斗斛如制密詢受賑者皆無言乃

大悅卒舉荒政最八人君居二焉先是餓者十五聚奪食君痛杖之而

勸富家出粟助民無自壅獲戾旁縣多剽竊君境帖然明年將遷得風

疾歸市月卒於家君聽訟不輕詰遇竊要出一辭折之立判辨色起視

事畢默坐即處賓客不多言疑事不再謀決眾莫易其指雖倥傯險阻

未嘗改聲色嘗勸灾宿村舍水大至刺史肘君起君擊石取火曰無恐
刺史終夜坐君勦然曰視水不至寢榻寸君深於文筮仕後猶樂談夙

藝善書重友厚親申周卹獎掖不倦子三以疾廢現國學生瑛從九品嘗攝清遠縣典史琨與兄子景曾尤能文世其學皆與予善

沈寶麟曰君與先君子同官同州先君子以慈慎聞君以明決聞然皆垂十年乃見知大吏及被知旦夕且薦起而先君子卒君病免亦卒卒後子孫困相若命也夫

循良喬侯履信傳雷亭公諱履信字實夫號敦峯偃師人魯菴先生之孫敬修先生之子也魯菴先生為耿逸菴高足而敬修先生少受學中牟再承光之門公蓋家

學淵源遠有端緒云年十七補博士弟子員己酉中鄉試第八名聯捷成進士分發陝西學習年二十有二而器宇凝重識見老成一時推服

焉會修陝西省通誌公分纂紀事經籍古蹟三門甲寅春委署郿篆甫下車值天大旱縣南太白山者人傳祈雨靈應而險遠莫登公往禱焉

徒步百餘里雨應至早不為害適協辦軍需驛頭公設法採買毫不累民故事雖旁午民罔聞知郿之學學田闕如公置若干畝師生膏火資

咸有所取給焉公為政尚惇大不事操切期年之間綱紀秩然邑前令張公諱素者六年茲土得士民心至是其嘖嘖頌以為後先一轍焉未

幾調富平富平俗稱澆漓公念鄉甲為政治根本也倣周禮比長閭胥之義於每村之中舉公直端方者一人為鄉約司勸導擇精明強幹者

一人為練總司巡查慎選委任以重其權永革沿門挨排俗規用起化於微渺已念村堡晨星稽察為難也參酌明道先生鄉會之法編四鄉

鎮寨大小均勻相近在四五里內者為一聯每聯之內舉紳士年尊德仰行淑才優者一人為約正擇練達服眾正直居心者一人為鄉長約

正專司宣講列聖諭訓化導聯內人民卽寄以善惡簿籍凡聯中有善惡事跡鄉練

會同牌甲舉報約正會同鄉長查實書名於上季終攷核獎誠使善者保終白好而為惡者亦改過自新其鄉長俾董率一聯之鄉練居民稽

察保甲如盤詰奸宄查拏賭博等事嚴加禁止其各堡鄉約練總等有

玩法嬾惰徇私不公之事約正鄉長會同揭報而於其中實力任事著

有成勞者或鄉飲延賓或表盧志美務極禮貌之隆縣屬共得八十五

聯每聯領十餘堡著有鄉甲條約一書付給約正鄉長以得綱舉目張星羅碁布而守望相助脈絡相親也故頻陽賭具拜筵諸陋習盡革而有耻且格駸駸乎向風尤加意學校卽齋房建義學延師訓邑子弟暇

則進諸生講學論文無倦色士氣蒸蒸丕變焉丙辰之秋學宮鐘鼓自
鳴踰旬乃已至撤棘後邑士登賢書者八人科名之盛從前所未有也
父老咸爲公德化足以感天作人如此已念士子於庠序外無訓課地
也捐私囊飭工鳩材創書院於縣東之南湖聘名師講習其中而日有
課月有會公時一至與諸生談道論文嘗記南湖書院著論言濂溪云
師道立則善人多昔橫渠張子雍泉比講學關中一時從遊之士則有
武功蘇季明藍田呂與叔昆弟人文斌斌蔚起與濂洛閩齊名至明時
馮少墟設立關中書院韓苑洛呂涇野亦先後繼武咸以振興文教倡
明道學爲己任故一時從遊之士因材造就各有所立是天下不患無
才特患教之無其人課之無其地也某承乏頻陽仰承

聖天子作人雅化與各憲造士盛心建講堂廳室及齋舍若干閒以爲
士子朝夕肄業之地庶三年小成九年大成於焉藏修於焉游息不難
德成而業精也簿書執掌雖媿文翁化蜀不能爲之師然關中素號多
賢必有間橫渠之風如少墟諸公者講學其中以振興文教倡明道術
爲己任則一時諸士亦必有間蘇呂之風與起砥廉隅近文章進德
修業日就月將緝熙於光明將所謂爲天地立心爲生民立命爲往聖

碑傳一百八

上

繼絕學爲萬世開太平者亦於是乎在蓋寤寐於古興賢育才德造之
教矣是時邑治孫姜里自康熙二十一年而來被漆水冲田一十九頃
餘地去糧存垂累者五十餘年矣公力請豁免而民獲甦生有值日糧
正者每年率科派二千餘金公廉知其弊亦力爲禁革戊午冰雹公懇
請賑濟親歷四鄉踏勘按戶給粟使吏役不得侵漁鄰邑民至有不得
以籍富爲憾者鄉飲酒之禮

國家所以敦讓致敬尊長養老興賢也乃歷年有酬謝犒賞諸陋規吏
役借爲奇貨每伺富翁家聲言舉報飽其欲則轉而之他公至悉爲革
除而人士始知有鄉飲之榮富平志書內孫公立山撰次後百四十年
所以公捐資倡修煥然爲一邑成書五年內委署白水高陵二縣威惠
丕著雖歷時無多而刑罰教化催科撫字公兼之矣偶因公赴省謁憲
臺他邑有以作官之道請教者曰但得如富平令足矣別無他道也庚
申調咸甯咸甯屬負郭縣迫於供應長民者不暇親民事公治咸之政
鄉甲保伍一儆前治富時而十九社民情大和民壯工食舊係里下私

幫每年約二千餘金公出示革去另爲設法士民刻石誌感出放倉糧
舊係鋪戶領納里民每石包銀若干悉出納多累且省守候之苦也公

知之歎曰積貯美政而乃害民至此乎傳諭鄉紳等於願領者預造清冊按里限日給發自是里民始皆稱便而鋪戶不得借以射利矣墩臺舊係坏壘廢修不旋踵緣當事者視官舍如傳盧圖支應一時公悉易以磚成爲三省孔道會地應接無虛日供應物料舊係借支行戶或有污穢及遺失者商人苦之公自上憲用存公銀修三省會館並置物件登交代簿使官吏不得侵蝕時上憲多刮目相待每有大案委公審定榆林府縣令及郡尊互許一案歷審多出入公曰殺人以媚人奚其可雖知以遲延被參而讞惟明允厥後卒不能出其議也其持正類如此會城中兵民相錯極爲難理惟於公帖然不敢有犯尤得和衷之雅城中文武百餘員皆與和好無閒理事同知常漢中廳王皆上官也每忘分相過自號爲不速之客會有保舉御史之旨時漢中廳王居官有聲尹制臺欲舉之王以衰老辭而以才守兼優薦公制臺首肯焉方謀保薦而公丁母憂解任先是咸甯縣舊令存庫銀五千餘金除已身虧空外爲滑吏侵盜縣令不知也公按卷查核提吏嚴訊具得其情其後不能追完者公爲代墊七百餘金餘倉儲驛遞俱有賂累至是署印者至民間訛傳以接前令倉儲有虧咸曰吾邑百

年來未有之賢父母可令代他人受累耶父老雲集謀助公再三曉諭始退公由郿至咸三爲縣令兼攝兩邑開誠心布公道每接紳士與談士風民情款洽如家人父子而弊絕風清罔敢以私于者幕府中諸友如池陽朱君頌陽楊君悉豁達大度深相切劘初不自知其前席也雅有人倫之鑒壬子戊午校武闈得符登魁李如筠馮元振等若干人歲丁巳值科試亨以雕蟲膺公首薦繼聘教子始終禮際恆以關中大儒相期許而愧未能也郿之張君綸張君璋富之王君吉士俱以縣試第一成名孝廉選拔如寶君鳳輝蘭君坦及今宰江南趙君廷健輩皆嘗受業者而余門人黨生新綬以弱冠成進士尤蒙其作養焉至軫恤僚屬於郿之羅公及富平高承之喪倡眾捐貲俾得歸還桑梓高有遺孤留署內從余受讀其後贈以資斧送歸凡皆公莅陝日行事之卓卓者旋里後營葬一遵家禮乙丑起復赴都以前年大學士史保薦故七月

神傳一百八

士

旨以御史記名候補暫授禮部儀制司主事一時都下想望丰采羣頌史公得人詎意於丙寅三月初八日染疾初十日下午卒初公宰郿僅歲餘調富後去郿四百餘里每遇公誕辰叩祝者不下百人其去富也

陸見奉

攀轅臥轍幾至泣下不能行迨成時老幼遮道哭送數十里不絕此足
以見公德澤之感人深矣然士民引領甚猶日夜望其復來也至是
聞訃音如喪慈母卒年三十八所著有鄉甲條約富平誌靈遠堂詩草
陝西通志三卷

贊曰余讀周官鄉遂鄧鄙諸職每歎爲王政根本在是焉千百世奏循
良者外此無術也公莅頻陽萬年兩邑政具酒食延紳士講所以化民
成俗者大修鄉甲保伍之政而一時諸名德者宿被物色樂爲用故公
兩邑之政不勞而成逮去頻陽日紳士送至石川河濱者涕泣不能別
王戊冬丁母憂時適滿城將軍赴都引

見萬年庶民遮道言乞將軍面奏
朝廷願留我喬父母公德意人人至於此雖古賢吏無加矣余於公有
一日知特述其槩以備觀風者採取焉

成安知縣王先生琨墓誌銘

先生姓王氏諱琨字次瑤又字南湖晚號退思世居德清千秋鄉關山
六世祖權遷南莊莊在大小南湖之南故以爲號權生崑崙生宇宇生
大德大德生繼聖爲先生祖考諱元鼎兩世遷居杭先生解官歸卜宅

碑傳一百八

三

秀水秋涇橋家焉舉乾隆甲午科鄉試丁未會試大挑赴直隸省權知
正定府新樂縣事會安南不靖旋歸誠入覲將抵境大雨連日河驟漲
人馬不得通譁而擾先生雇鄉車千餘兩禱于河神雨霽水剋期退眾
乃濟補廣平府成安縣知縣歲奉檄調平治道路前任委其事于胥吏
苛派爲民累先生冒寒暑雨雪愆工所計夫給買省費過半民大便治
獄必得其情有師氏兄弟相毆傷置一室令不傷者養傷者使自感動
傷愈曲爲勸諭悔悟讓田泣拜去公餘進諸生講說經義胥吏子弟能
文者亦親教之隆冬以綿衣給囚圍及罪囚之過境者莅成安五年引
疾歸歸田十一年坐臥一室矻矻著書以終生於乾隆元年九月丁酉
卒於嘉慶十一年十月壬辰年七十有一先生性厚重不苟言笑事親
以色養篤愛弟請析居流涕勸不從比歸拮据爲贖產從女弟孀居
無子養于家遇妻子以禮閨門之內雍如也爲學師法漢人實事求是
經史皆貫串深于易纂輯數十家吳布衣克岳治易有獨得至則娓娓
談終日晚專發明鄭注究極義蘊小學多所辨正段大令玉裁陳進士
詩庭皆從參訂所著易鄭注考證外有說文編韻讀各從義以補徐氏
朱氏之音集韻正以糾曹氏刊本之失爾雅正義刊誤以匡邵氏之闕

其他聞發經義修己教人之方爲多伯子崇本成進士以知縣用先生
勛之曰仕以行所學也入仕途而棄其學我不知所爲何事也噫先生
此言豈獨爲縣令發哉配陳孺人有賢行子二崇本嘉慶壬戌科進士
四川黔江縣知縣崇基大學生候補典史女二孫男七人孫女五人今
年四月辛丑卜葬于錢塘長壽鄉白沙山仙家壠崇本以狀來乞爲銘

銘曰

今之學者競師漢我獨惜其言行利先生合之成一貫所施者薄積者

厚有子克繼大厥後我銘惟實永不朽

陝西宜川縣知縣路君學宏墓表

嘉慶七年秋懷玉權守兗州同歲生荆溪路君應彝自京師致書云應

彝不孝奉先子諱卽日南下將謀窺窳事一生言行不忍湮沒謹函狀

乞表其墓按狀君諱學宏字宏劬爲荆溪世族曾祖迪明諸生好任俠

崇禎末衛鄉里有功祖培終身不應科目人高其志父衡康熙乙未進

士官福建順昌知縣君在母七月而生幼孤有至性民母湯生母徐皆

憐愛之六歲讀孟子書能說義利二字大義及長爲邑生員以客授爲

業束脩所入皆贍貧乏乾隆乙酉爲選拔貢生辛卯中本省舉人時年

已五十餘矣仍下第諸公卿爭致門下俱不就遊晉楚間歷主講席以

讀書明理爲務力挽近今士習人知講習爲重有某生不順乎親君令

長跪受教卒以孝聞其仕於陝也歷試山陽麟遊諸縣事山陽居萬山

中界連楚豫獄訟繁滋素號難治每讞牘必求其平有趙成殺死一家

非死罪六人諉其事於子其子痛哭自承成揚揚自得君覺之曰殺人

者趙成也天下豈有子陷極刑父反有喜色乎特非一人所能辦耳有

孫四貌兇悍證其子尤力乃引成與孫四詰之遂服罪逆回田五叛盧

武攻剽郡縣隣遊與盧武接壤警報日數至民以承平久不習兵事東

手無所許君慨然曰爾曹毋恐當以死衛吾民耳周行山谷設卡站治

軍械募敢死士千餘人分布要害躬自巡衛晝夜不息體素豐不便騎

從者以輿進輒卻之賊竟不敢逼城賴以全嘗有武弁拘得回民數人

以爲賊偵謀先生曰其色慘其詞直此良民也遽釋去旣而訪之果鄉

人之避難者初官宜川積贖粟限十日剖釋無留獄公餘振興學校

子弟得其造就者不少宜川故有橫渠張子祠久頽圯捐貲鼎新之朝

望率諸生行禮爲講正蒙二銘諸篇圓聽者以千計有兄早世事寡嫂

唯謹與兩弟友愛其析產讓而受惡工文章博通篆隸尤精畫理山水

碑傳一百八

古

宗元四家寫生類陳道復爲世所重年既老移疾歸卒年八十有二配
孺人徐氏先卒子五人應求附貢生應祁增貢生應彝庚子舉人應升
應恩國子監生應求應彝出爲兄弟後孫十二人曾孫四人士大夫讀
書未遇時往往慷慨自許一旦出身加民而言行多不相契甚有背而
馳者若君之訥於口而遇事有爲非所謂明體達用可以矯世厲俗者
歟謹撮其大者俾揭於臺

循吏汪輝祖傳

君姓汪名輝祖字煥曾號龍莊晚號歸廬浙江蕭山人父楷官河南淇
縣典史娶方氏無子側室徐生君方卒繼娶王君生十一年而孤王與
徐撫且教世稱汪氏兩節母君才識開敏年十七補縣學生員練習吏
事前後入諸州縣幕佐入爲治疑難紛淆一覽得要領尤善治獄平情
靜慮俾境揣形多所全活以其暇讀書年三十九舉於鄉又七年成進
士需次謁選得湖南永州府甯遠縣知縣縣雜糶俗積遺而多訟前令
被訐去攝者政姑息黠者益伺開爲挾持地流勾強橫勢洶洶君下車
卽掩捕其尤而驅餘黨出境徵賦期迫君用書告民剴切誠至民讀之
慙且感相戒無負好官不逾月而輸賦足額治事廉平尤善色聽剖條
發蘊不爽輕重及其援据比傳惟義所適律之所窮通以經術所決獄
辭不可殫述人藉藉頌神明而君益欲然聽辭畢輒問堂下觀者曰允
乎僉曰允矣遇罪人當子杖呼之前曰若律不可違然若受父母膏體
奈何行不肖虧辱之再三語罪人泣君亦泣或對簿者反代請得保全
去卒改行爲善延見紳耆問民疾苦四鄉廣狹肥瘠人情良莠皆籍記
之然後教民多種植知禮讓惜廉恥誠昏禮之費而民知儉禁喪禮之
節孝祠行保甲政聲大播他邑有訟聞移君鞠之則喜甯遠當食淮鹽
而鄰境多食粵鹽淮鹽直數倍于粵民多食粵私大府遣營弁微服偵
捕人情惶擾君爲帖白上官請改淮引爲粵引久之未報君引例張示
諭民零鹽不及十斤者聽偵弁謂君故縱私聞於總督君復揭辨謂縣
官當綏靖地方張示諭民勢非得已揭上總督鎮洋畢公沅大嘉賞立
弛零鹽之禁時倖其議稱莽知縣云官甯遠未及四年以足疾自劾免
時大吏已疏調君善化疑君詭疾有所避竟坐是奪職歸民空邑走送
境上老幼泣擁與不得行君歸里值西江塘告險塘關數邑田利巡撫
覺羅公長麟吉慶先後遣官勸君董其事不獲辭興事任工初定費錢

二萬八千九百緡用君議增工管之而省錢六千三百餘緡工用堅實君一渡江謝巡撫歸而閉戶積書數萬卷不問外事暇輒手自讎校以誤述課子孫嘉慶元年

詔舉孝廉方正邑人以君應君辭君少尚志節老而愈厲持論挺特不可屈撼而從善如轉圜嘗自謂生平得力在喫緊爲人四字故其自治汲汲孳孳不予以暇性至孝痛父早歿兩母孤苦撫已成立撰父母行狀乞天下能文章者以沒身爲期凡傳誌銘誄賦詩數千百篇彙爲雙節堂贈言集多至六十二卷自以孤子所繫甚重故終身於守身之義凜凜自防罔敢隕越官私一介不取而不以所守自矜有譽之者君怩然曰爲淑女蹇修而稱其不淫可乎爲文質而有法詩寄興深遠尤窳於史留意名姓之學讀書貴通大義凡所論述期實有濟於用所交多老宿以道誼文章相切劑所著書有元史本證五十卷讀史掌錄十二卷史姓韻編六十四卷九史同姓名略七十二卷二十四史同姓名錄一百六十卷二十四史希姓錄四卷遼金元三史同名錄四十卷龍莊四六稿二卷紀年草一卷獨吟草一卷題衫集三卷辛辛草四卷岫雲初筆二卷楚中雜詠四卷歸廬晚稿六卷汪氏追遠錄八卷越女表微

錄七卷善俗書一卷庸訓六卷過眼錄二卷論穀燕談三卷其尤著者

有學治臆說四卷佐治藥言二卷嘉慶十二年七十有八卒子五人

長繼芳丙午舉人第四子繼培乙丑進士吏部主事

論曰天下雖大州縣之積也州縣盡得孝廉善治之則永治矣余讀學治臆說佐治藥言未嘗不掩卷太息願有司之治若汪君也余撫浙嘗行其書于有司權撫河南復刊布之士人初領州縣持此以爲治雖愚必明雖柔必強是故學與仕合濟于實用其道易知其迹易由其事盡人能之而其業亦終身莫能竟君循吏也然孝子也廉士也嗚呼良吏之所以必舉于孝廉者觀于汪君其效不益可觀哉

鄧先生夢琴墓誌銘

董詒

嘉慶十三年十一月十九日誥封朝議大夫簞山鄧公卒于羅源迎養之署越明年子傳安扶匱歸籍將合厝公及元配陳恭人于新阡不遠數千里緘書請銘于安康董詒詔辱知于公廿年矣誼不敢辭謹爲志曰公諱夢琴字虞揮簞山其號也世居江西之南城遷于淨梁則自曾祖秀三公始祖諱文諫父諱以忠皆處士以公貴俱誥封朝議大夫祖妣陳妣石并贈恭人公幼敏就塾師讀四子書未遍耳濡目染卽能爲

同學代草課文師驚為夙慧年十八補博士弟子明年試冠軍食餼子

庠甲子舉于鄉壬申成進士引

見以知縣需次吏部辛巳選授四川綦江署江津者再乙酉以繼母吳

孺人艱歸繼丁外艱戊戌夏始謁選得陝西之洵陽癸卯署岐山明年

調繁寶雞戊申以卓異陞任商州甲寅以制府勒公保撫軍秦公承恩

保薦晉秩漢中知府再攝陝安道事丁巳引年歸歸八年嘉慶甲子科

秦公撫江右以重遇鹿鳴奏請

特詔入燕儒林榮之此公出處之大略也當公之策仕綦江也以廉持

已以明燭奸以嚴御下期月而民服其化適江津令某者以冤獄被訴

解任矣大府俾公治之蓋殺人者楊在位也前令誤以黃君相當辜已

痼斃公廉得其實獄成而服司臬者誦于羣昧以在位兄在高蔽獄公

力爭不能得形于聲色司臬嗾焉而某令又有周秉康被毆身死一案

歸獄于周應律不知為其族弟周秉魯唆訟不遂踢斃移尸嫁禍也公

庭鞠之尸傷證見悉符既輸服上獄司臬欲翻之中公以法齟齬數月

及其攝藩繼任者始成信謝蓋猶以前嫌也然屬吏有請教者則必曰

當師鄧令鄧令云一時人頌神君至有越境求一言以判曲直者厥後

津志傳公曰聽斷嚴明遠近畏服蓋實錄也時定遠邑有廟祝譚學海

者以指證二偷招怨被殺莫知主名其令誤以韓奇元六人刑訊誣服

及郡呼冤郡囑公莅之察訪既確罪人斯得既呈案郡以令之誣也擬

黜之公曰前江津令以被訴且案已成不得不翻今案甫報郡某何敢

居平反而擠學製者乎請之再三始以同訊免議蓋公明于折獄而厚

于僚誼如此洵陽環山臨水民情頗淳而流寓雜沓楚人尤多佃山則

主不能名其田業舟則估或喪其斧公為定其年限年編以名籍遂以輯

密越明年去邑二百里楚民有糾眾強借者公適在郡從數人馳往諭

以明憲皆搏頰乞命倡者十二人即詣庭首罪得杖責繳贓結案撫軍

畢公聞而善之謂能活人無算也後撫軍以讀禮歸繼任者為劉公雅

公皆有地治事宜之訪公詳明條答咸擊節以為快活條款飭山南諸

州縣仿焉數年中興文教正祀典表節烈百廢皆舉及畢公再至訝公

之猶滯于山中也未幾檄署岐山岐當秦蜀大道冠蓋所經民素遵教

趨令顧不無藉以為囊橐者公平其絲役寬其期會民戴慈母及聞將

調寶雞相率為借寇之請公聞之忱以憲禁始悒然而退寶雞與岐接

壤而東兼舊虢西至隴秦南踰散關兼兩驛道長而山險驛政不修遂

至累民公補乘增序其困遂蘇歲癸卯逆回田五馬文熹弄戈甘省秦隴傳烽公疾馳二百里至與秦接界之仙靈峪山峻箐深為從來官長所不到信宿木皮房中斷道設戍歸而授邑民兵登陣及官兵赴勦備時車馬兼濟隴汧軍不乏與功遂藏天府噴噴歎為難邑東利民渠開自前明灌田三十頃有奇已久湮矣公濬之增灌至五十頃其南北注渭諸渠皆加疏導丙午夏邑南數處民獻岐麥焉商州地邇洵陽公久知其利弊龍駒寨關稅舊多苛索公嚴禁胥役不得于額外有絲毫侵城中有所謂行戶者凡食用概給官價派諸市廛即為裁革勒石于屬邑饋問并一概謝絕初皆色然駭及奏當岸獄凡情事之不符比附之未當則先令錄呈改正遂無翻駁棘手之苦蓋公治縣則無憚大吏直道而行率屬則曲體人情東溼不事始其歎來之晚也歲辛亥署西安府事僅兩月十六屬之塵案有羈候之積年者至是清理一空明年冬監渭南北諸邑賑別浮冒搜隱漏鴈戶咸得實惠焉漢中幅員北接寶雞西過金牛峽驛長而馬少役多而民疲五廳州縣不敢拮据公請于方伯阿公借開款萬金買馬儲費用民有節赴公遂敏守土者因得息肩略陽之銅十試採多年矣得不抵費從事者猶希冀于萬一公細

碑傳一百八

六

勦之灼知無效力請大府封閉遊民既散地方亦寧無何以吏議將賦歸矣適荆湖教匪蠢動當事以轉輸重任非公莫可奏請留署制府宜公前任秦藩悉公幹濟適督師至謂方事之殷非臣子引退之時愈加委重當是時巴州賊羅其清嘯聚于方山坪通江賊冉文籌跳梁于王家寨南鄭之小壩毛狗洞皆與接壤公于兩路分設五卡募鄉勇數百人練器械整行列遣之遠探屢獲賊謀制府予書云風鶴頻警熊轡四馳非循聲素服鄰封豈能獨來獨往僅以周道逶迤為使君賦猶不足彰賢勞也明年夏楚匪竄陝欲由五郡窺漢中公親往城洋西鄉巡查接界諸隘鄉勇時年已七十五矣控單騎冒寒衝暑馳驅于羊腸鳥道中風溼所薄遂患足弱逮南北防戍既定託之觀察王公而遂初焉其被議也以失察南鄭令王君行儉議獄失出後王君卒以死事蒙恩加贈三品子蔭益公之取人固有見其大者矣初自棊江歸去江津已二年及過時沿江迎送者綿數百里至邑則清廉生祠已建相率擁入申拜謝而後別在寶雞有事白河歸途過洵民望舟而迎攀轅而送者復數百里依依不忍去其牧商也因公至省適寶雞有許其令者召而問之則赧然曰吾等實出不得已然愧無以見公矣公有命敢不遵

因毀案而去矣居愛去思古循良間有之至于不被宇下已久而望其
顏色卽有所愧而不爲古之傳頌川中傘者或未之聞而公止于郡邑
展經濟識者不可歎公用所學之不盡也公性孝友篤交誼初石恭人
之卒也公甫歲哭泣之哀弔者不忍聞見及繼母吳孺人卒哀痛一如
所生旣免喪修潔白之養左右于封翁中憲公暨叔父仲章公之側越
四年中憲公捐館舍踰號之中附身附棺卜兆安厝哀禮兼至及釋纋
依戀如父猶不忍遠宦也及仲章公歿始爲出山計及在洵恭逢覃恩
陳情以身所應得文林郎地封焉從兄迎浦明經林有光處士某中憲
公夙切于起之慈二昆亦殫在三之孝公在籍數年館穀玉山訓子課
姪書讀等身姪傳仁遂籍諸生凡一門男女婚嫁無不爲籌畫得所繼
而公子暨處士子傳牧相繼列芹宮迎迎浦至洵談燕唱酬宛然二蘇
風流也至秦調始以禪于山行送歸并以產宅讓之故自漢中歸尙就
屋而居云初謁選主同年葉農部宏寓無何農部卒子幼公爲視舍斂
治馱輿請兵部勸合送之南歸至德州後返在關中時藍田令周君崧
曉同郡後進也有洽聲因調繁卒省垣公厚恤其喪備狀其行後過繞
柳間土人道其遺愛尙爲感喟賦詩云其學根柢六經而沈酣史籍文

碑傳一百八

九

章不爲無用之言已亥分校典試吳銘茶太史欽服文望執從學禮甚
恭及壬子監內簾試所作程墨并闡諸詩主文施琴泉太史羅碧泉學
士俱極推服所歷郡縣延師訓士之外月課而季考之丹黃甲乙親爲
評隲受教者文章皆有法度兩次里居歷主玉山之端明饒州之芝陽
及白鹿書院講席訓士以先器識後文藝人人皆自以爲得師所刻著
作如麗澤講習遜業初約數文講義懷玉章皆爲訓士作也而洵陽志
畢秋帆中丞有郡邑洽譜之評實雜志胡少宗伯高望有事核文古之
贊咸謂五泉三石不足多也未刻者史記書後二卷補筆一卷古文有
林亭初稿續稿四卷詩有洵闕草陳倉商山草四巨編歸田後有來
卽應興到疾書者甚夥尙未集錄也距生雍正元年癸卯六月廿九日
享壽八十有六元配陳恭人同邑處士士奇之孫太學生天錦次女克
備壺德事尊嫜則婦代子職教子女則慈兼嚴訓主內政則儉助清操
後公四年生先公十一年卒壽七十有二公親述其行所悲爲閨中失
一良友者也子一傳安己酉選貢乙丑進士羅源尹女一適同邑康熙
戊辰進士工部都水司主事吳公從洽孫附貢生季敏次子出繼處士
季舉太學生篤照孫二世嘯世畬皆邑庠生某之初見公也于郡伯史

公家塾過蒙下交訓以名行洵竇三志皆與載筆公在商於興元時凡得異書過勝地嘉月相召之使無歲不至往輒旬月留茲之請也其亦以見聞于公者最覈與謹舉其大者著于篇而係之銘曰

於惟先生有德有言德為民母言作士開懿茲幹濟宜麗台垣勳勤郡邑未究其全福斂壽者穀貽後昆他年崇國更表瀧阡

又漢中府知府護漢興道劉公墓誌銘 權敬

嘉慶十有三年十一月庚辰前漢中府知府鄧公卒於福建羅源縣之署舍時子傳安知羅源公就傅安養也年八十有六十四年八月乙卯

公之喪至木員浮梁十九年十月丙寅傳安卜地葬公於浮梁青峯之原公之配陳恭人合葬焉先是公以耆德奉

命重赴甲子科鹿鳴宴來南昌敬介公之姻江訓導幼光謁公傳安又與敬同出戴文端公衢亨之門至是以銘請敬不敢辭敬觀班孟堅范蔚宗傳循吏皆推本儒術或列所治經舉其科可謂知為政之要矣然

所載多郡國二千石縣令惟蔚宗傳王渙一人任峻附見傳中且以明發姦伏為未充德禮之教夫德禮苟不相應則姦伏之心侈矣何明發之功可紀哉縣令官卑其權不足攝下故為縣令視二千石為難而德

禮之效則以能明發姦伏為治縣符驗能如是未有不為良二千石者也公諱夢琴字虞揮姓鄧氏曾祖國挺自南城遷浮梁祖文諫贈朝議大夫父以忠贈朝議大夫母石氏贈恭人繼母吳氏公年十八補縣

學附生二十一為廩膳生二十二鄉試中式三十會試中式以進士候選吏部授四川碁江縣知縣縣人相沿呼大府胥吏為老上司橫甚公

察其尤者先予杖後申請治罪遂俱斂貴州遵義有巨盜亡命過縣公遣捕人跡至二千里外之萬縣獲之以能署江津江津民宋志聰者與

楊在位爭博負在位毆之仆死置尸黃君相之門江津前政比君相殺

人罪已疾死矣公鉤距得獄情讞之前政因推事官巧請於按察使琦

其獄公力爭按察使遂怒此初獄也而前政在江津事多率爾民周景

康盜樹為樹主斫顛左旋下傷重罪當比周秉魯而按察使挾前怒欲如前

樹主公請復診之腹下傷重罪當比周秉魯而按察使挾前怒欲如前政比以傾公此繼獄也當是時前政已因宋志聰獄去官公復持此獄甚急於是諸黨按察使有氣力者為畫語以為公好排人人已墜坑阱尚下石按察使雖知公直而必洩前怒幸其言公勢危甚會公還碁江定遠民譚學海被殺不得主名縣攝民六人答服之至府皆不承公奉

府檄廉知諸偷鄧瑤等實殺人一訊獄具此最後獄也公白府分功
定遠定遠得免議諸大府益信公非排人者適按察使權布政使周景
康獄乃如公讞焉丁吳太恭人艱服闋以贈朝議年老請養家居十二
年後服闋選授陝西海陽縣洵陽處萬山中流民賃山種稞自立下手
書曰稞莠取木石耳曰耳荊燒炭曰炭荊點者不立期遂多訟公令種
稞期五年耳炭期三年民安之山南州縣地日墾大府歲檄升科公言
流民開荒食數年之利不可使失所他徙

國家賦額已定徒飽吏胥耳終公去洵陽不報升科旋署岐山調寶雞
寶雞臨棧道轄陳倉東河二驛冠蓋旁午驛馬多疲損前政以給里民
需其值曰領馬有急復搜私馬應官曰里馬公令領馬皆交見馬驛遂
充非大差不撥里馬逆回田五作亂陷通渭公斷仙靈谷石道爲守計
後馬文熹屯底店公料丁壯登陣賊未至而罷旋擢商州知州署西安
府擢漢中府知府護漢興道因事鐫級大府以教匪方熾奏留公後病
淫累上記乞休年七十五矣始公家居時知浮梁黃君泌治頗辦而性
卞急請益於公公曰聽訟末也雖然有本爲古之人先治己之好惡矣
至聽訟則察人之好惡爲好惡焉夫天下固有得其辭而失其意者豈

碑傳

三

有舍其辭而得其意者哉當官難於慎守官難於和緩求其難焉可也
自公爲州爲府所屬皆喻以此意而公持大綱不苛察故皆治公年二
十四陳茶人來歸孝謹守婦道年七十有二先公十一年卒子一傳安
進士福建羅源縣知縣女一適國子監生吳篤照孫二世疇世畬皆縣
學生公爲學自少時以小學近思錄洛學編爲宗後從座主蔡文恭公
新遊窺闔中道學源流終身守師說所著有楸亭文稿十六卷詩稿八
卷銘曰

養魚勿煩治民勿殘勿煩者清其池勿殘者察其辭池濁而渥浮魚之
仇也辭差而聽惑民之賊也登山不可趨學道不可愚如公者儒術之
所與也

戶部廣東司員外郎前甘肅靈州知州楊君芳燦墓誌銘

趙懷玉

嘉慶丙子夏吾友楊君才叔喪歸自蜀是冬其孤承憲手狀請銘其墓
子與君交四十載君仲弟布政與子齊年比歲又先後主關中講席無
以辭君諱芳燦號蓉裳才叔其字也爲無錫人曾祖宗謙祖孝元考鴻
觀清德未繼竝以君仲弟揆貴贈通奉大夫甘肅布政使妣顧氏封太
夫人君生前一夕母夢五色雀集庭樹生七月卽能識楹帖字不誤四

歲讀四子書竟能背誦唐人古今體詩八百餘首稍長從舅氏顧君遊
為詩時得佳句君世父潮觀四川邛州知州故名宿君兄弟與羣從中
表皆以才名里中諸老折輩行交之年十九為金匱縣學生員名第一
試江甯見賞於袁大令枚南昌彭文勤公視學江蘇每試輒冠其曹旋
遭父喪免喪為丁酉選拔貢生

廷試一等以知縣用發甘肅文勤聞之致書惋悵君亦忽忽若有所失
已亥赴甘肅攝西河環縣旋補伏羌乾隆四十六年四月河州循化逆
回蘇四十三爭教事起攻陷河州初安定回馬明心倡立新教從者頗
眾至是與老教構釁遂起事布政王廷贊誘明心執之羣回以索教主
為名進攻蘭州會英勇阿桂公嘉勇福康安公先後率師至賊始破滅
當兩教構釁伏羌回馬得建等十六家斂銀為訟費事平後獄詞連及
臬使馳驛至縣嚴鞫之其家屬數百人滿城號哭勢洶洶君以得建斂
銀在蘇四十三起事前與從逆有間力為中辨遂祗論得建等免其緣
坐闔城帖然以其暇修朱園書院與姜伯約祠明年邑西南天門山石
鼓忽鳴相傳鳴則主兵君既修築縣城復請減糶以備倉貯未幾回匪
田五果起石峯堡召募鄉勇設立堆卡日費數百緡或曰賊氛尚遠如

碑傳一百八

至

此糜費柰虧空何君曰虧空不過死我耳與一城生靈全家性命孰輕
重耶既而賊掠固原攻靖遠擾安定城中馬稱驥等約為內應獲奸細
始知亟捕稱驥等皆持械抗拒格殺四人然後就縛方欲請兵賊已大
至焚燒郭外民居火光燭天時城上兵民雖眾而非精練舊有獵戶鳥
鎗每發必中選得三十餘名以資捍禦賊頗畏之君則懷印佩刀登陴
固守賊鎗箭雨集城上亦矢石交下如是相持凡五晝夜當是時援兵
不至人心惶皇忽有步騎絡繹從東北來離二十餘里而止是夜賊攻
圍益急眾疑賊黨續至君召獄中績匪季五脫其械謂之曰官兵已到
特未知領兵者何人汝能往探得實當賞汝罪即以印文畀之使緹城
出時天猶未明日出時季五返則胸懸銀牌亟挽之上乃曰領兵者總
督也探懷出銀牌十批其印文云孤城困守烽火連天不意書生當此
重任實堪嘉尚馬稱驥等即於城內正法無以援兵即至稍有疏虞君
傳示四城酌給銀牌鼓舞民勇歡聲如雷官兵與賊接仗前後殺賊五
百餘人賊膽落不敢復徇方賊屯天門山人夜潛來攻城寂無燈火是
夜忽列炬數千迨曉而眾已遁矣初賊首張文慶子張太以舉發內應
賊馬映龍因言與其父通約五日後獻城以官兵突至未果有檄逮訊

君知其冤卽與偕往見英勇公曰首發內應者映龍果欲獻城將約爲死黨何肯舉發且獻城必於五日俟守者力盡耳伏羌向無官兵民夫皆烏合之眾賊至卽獻何必五日公曰彼爲馬得建子肯助我耶君曰得建之案吏議已照敝道公免其罪坐映龍言之往往感泣正欲得一當以報公耳公曰爾能保之乎君曰非特芳燦保之同守城者皆願保也會眾投具保狀公乃釋然立命出之軍務竣以守城功上有旨以知州題補于未補靈州丁巳靈州歲饑州民有搶奪者里長張皇具報市門悉閉闔邑驚疑君曰此饑民耳可無慮卽馳往慰撫白上官借口糧既發倉散給又設立粥廠械搶奪爲首者以示民情翕服戊午權平涼知府會君仲弟授甘肅布政例迴避以久於風塵備嘗艱險不樂居外改捐員外郎在戶部廣東司行走尙書朱公珪舉爲會典纂修官旋爲總纂修甲子布政卒於任將告歸以書垂成不准乞假時季弟英燦已奉母南下布政已遷江甯乃先遣子歸省丙寅京居日貧又念親甚切得心疾聞人大言疾步輒蹶氣震怖旋遭太夫人憂質寓中書籍爲舟車費歲暮達江甯悲勞臻至容髮自此衰矣明年冬葬顧太夫人於啣喇灣戊辰主衛傳一正誼書院杭州詁經精舍己巳陝西巡撫延

主關中講席庚午諸生捷秋榜者二十二人一時稱盛辛未蜀中大吏

延修省志適季弟題補安縣君遂赴蜀以便往來其間癸酉在成都忽

遽危證久始稍痊時予已在關中亦嬰未疾秦蜀尙邇書問時通嘗爲

子撰詩文集序乙亥志局將蒞君欲南歸蜀中當事力挽增脩補至千金遂勉留是冬在安縣偶感寒疾遂不起嗚呼始君與布政皆以詞藻顯旣而並著戰功俱可不朽然君少子六年布政且少予十有三歲乃兩人志墓之文咸出于手予之衰疾頹廢反塊然獨存斯可哀已所著有真率齋藁十二卷芙蓉山館詩詞藁十四卷駢體文八卷行世又集外詩四卷文四卷藏於家君生乾隆十八年十二月十八日卒嘉慶二十年十二月二十一日春秋六十有三配徐氏封宜人子二承憲候選府經歷承惠候選縣丞爲從兄掄後承邛州大宗女三人直隸景州知州秦承祐山東臨清州州判龔瑞毅候選通判張嗣敬其壻也孫二人應韶應融以嘉慶二十二年九月甲寅葬無錫啣喇灣祖塋之昭穴銘曰

才陵六朝命寄百里研京練都捍城築壘經緯兼之中外歷只胡爲駭駭而遽中止我銘無媿百世以俟

莊先生述祖行狀 宋 翔鳳

曾祖諱絳增監生贈光祿大夫曾祖母陸氏董氏俱贈一品夫人
祖諱柱雍正丁未進士懸官浙江海防兵備道贈光祿大夫祖母錢氏累贈一品夫人

父諱培因乾隆甲戌進士歷官翰林院侍講學士母彭氏例封恭人
先生姓莊氏諱述祖字葆琛所居室曰珍藝宦學者稱珍藝先生先世
自金壇遷常州府武進縣遂為常州望族五世祖廷臣明天啟中官上
荆南道阻魏閣建祠終湖廣左布政使其後兩世入

本朝皆不仕兵備公始通籍學士公與兄禮部侍郎存與並以文行得
上第名重朝列學士公早歿先生甫十歲居喪如成人時伯父侍郎公
於五經皆有論說彭恭人之季弟二林先生為文精深先生皆取法焉
弱冠娶侍郎倪公承寬女凡族黨故舊皆通顯要津未始染奔競之習

乾隆丁酉以官卷中江南鄉試庚子成進士相國阿桂公以先生故人
子欲羅致之避嫌不往謁時和相用事阿公之門下士稍稍去亦以是
疑先生殿試卷已擬進呈後卒置十卷後引

見歸班銓選先生遂歸奉母以居先是於經學之外製詩賦詞章甚富
碑傳一百八
以不入翰林遂棄去從事小學治許氏書以先求識字謂六書之義轉
注諧聲最繁而無定說用爾雅之例編說文轉注用廣韻例又博考三

代秦漢有韻之文編說文諧聲說文之學以是遂明而周秦之書無不
可讀者遂校逸周書解夏小正詩書次第皆有謨箸而部檄至謁選得
甘肅崇信縣以親老例改山東昌樂縣辛亥六月之任逾年調濰縣明

楊吏治刑獄斷罪堂皇坐決不假幕客魁有失當治豪猾皆斂迹前官
交倉庫有缺輒擢節以補之大吏則恭敬以事之時時以老母為念不
敢矯激以貽憂也治濼五年尤培獎士林邑人韓公復守濼洛之說意

氣傲岸先生禮敬如父輒諸生傳廷蘭寒士修謹以孝廉方正薦於大
府於童子試所識拔登科第者相繼兩充同考官所薦皆經術士亦輒
以經義斷事嘗勸鹽廉廢地詢之耆老不能辨或請嘗土味鹹甘以別
之先生笑曰吾能徧食塊為若曹辨鹽廉耶頃吾見田間有生馬鬣草

者馬鬣草也即王萇之類夏時始於王萇秀終於并秀其草萇者宜麥
其草并者宜禾此等出秀之地不準鹽廉耆老皆服甲寅歲大計以卓
異薦引
見奉

旨交軍機處記名同時記名者必候和珅門叩頭橋前獨先生與雲南知州屠君伸不往屠君以知州陞通判實則降一階先生記名籤為和

今上親政章京有知其事者始補入而先生已乞終養矣以進士家居

時梁階平相國欲使應

召試官山東時畢秋飄撫部欲以府同知題薦皆辭不就蓋非淡於榮

進恐以奔競之習喪所守也嘉慶丁巳歲奉彭恭人歸里邑養著書未

嘗一日離左右凡十六年彭恭人九十一歲於壬申冬壽終先生已六

十有二居喪毀瘠舉殯時路旁見者無不動色終練祥疏食水飲乃自

號曰槩齋里居未嘗謁州府亦不以書問通當路不與鄉人酒食之會

然有荒災振恤之事當處乏時賃屋百金助振以勸鄉黨未嘗遺餘力

也後生以學問就正諄諄誨誘未嘗有所隱也嘗云吾諸甥中劉申受

可以為師宋虞廷可以為友翔鳳先母為先生女弟已未歲歸寧命翔

鳳留常州先生教以讀書稽古之道家法緒論得聞其略先生謨夏小

正經傳考釋以斗柄南門織女記天行之不變以參中火中紀日度之

差又据二月丁卯斷夏時以正月甲寅啟塾為歷元解歲祭為郊萬用

入學為明堂之祭凡讀正經傳皆博稽載籍精思而得之而夏時顯矣

又謨古文甲乙篇謂許氏始作偏旁條例以序文字始於一終於十日
十二辰此六書之條例所從出合於爾雅歲陽歲名以明十二支藏遁
之法有歸藏之義焉凡天地之數日辰干支在黃帝世大撓作之隸首
紀之沮誦倉頡名之以書契易結繩故伏羲畫八卦之後以此三十二
類為正名百物之本故歸藏黃帝易也古籀條例皆由此出凡許書所
存及見於款識者分別部居各就條理晚年常為口號曰慣看模黏字
端攻穿鑿文亦紀實也時從兄子綬甲日從講論得之最詳其摹寫鐘
鼎彝器釋文皆出次子又朔手翔鳳為四方之遊者十年於茲每於郵
書中問先生發明歸藏之說因思歸藏首坤坤辟亥亥王甲之所藏也
則六王六甲之占皆本於歸藏惜僅存於術家得先王之說而闡釋之
坤乾之義佚而後存夏時之等微而後顯同時王給事念孫作廣雅疏
證段大令玉裁作說文正義每采先生之說歎為精到不知其尚為微
文碎義非其至者也所校古書有据意改者證之舊本無不合如今本
白虎通引書無逸篇曰厥兆天子爵校改為書逸篇盧學士文昭采入
刻本中江方正聲深為譏笑其後盧君又得宋元本皆作書逸篇江君

始悔其說今本列女傳文王太妃條乙去數行以爲後人羈入後吳門
顧氏得宋本則無此數行臧文學庸歎服焉所著有尙書古今文授讀
四卷尙書記章句一卷尙書古今文考證一卷尙書雜義一卷校尙書
大傳三卷校逸周書十卷書序說義考注二卷毛詩授讀三十卷毛詩
口義三卷毛詩考證四卷詩紀長編一卷五經疑義一卷左傳補注一
卷穀梁考異二卷五經小學述一卷五經疑義一卷特牲饋食禮節記
一卷論語集解別記二卷明堂陰陽夏小正經傳考釋十一卷明堂陰
陽記長編十卷古文甲乙篇四卷甲乙篇偏旁條例二十五卷說文古
籀疏證二十五卷說文諧聲考一卷說文轉注二十卷鐘鼎彝器釋文
一卷石鼓然疑一卷聲字類苑一卷弟子職集解一卷校正列女傳凡
首一卷校正白虎通別錄三卷史記決疑五卷天官書補考一卷校定
孔子世家一卷歷代職籍足證錄一卷漢鏡歌句解一卷詩集三卷文
集四卷嗚呼使先生宦達至卿相當治太平之世亦不過夕稽朝考守
象魏之法自公退食示委蛇之度而已惟浮沈下位久而歸於寂寞之
鄉抱其明智通辨之材以日與古人相接則古人之所言所行者若或
見之若或語之關鍵開閉絕續淵源一人之身以彼易此不已大哉癸

神傳一百八

三六

酉歲仲夏疾病作遺命告其子又朔等曰吾年過六旬尙何戀戀於人
世耶吾不幸十歲而孤不及奉過庭之訓蒙諸兄善誘略知文義三十
後成進士歸孜孜者近十年疾病憂患時擾阻之四十後始歷仕途無
所樹立終身抱媿晚欲銳力於少年未竟之業借此以贖愆尤爲學益
勤爲心愈苦此汝等所目擊也今所造就僅有一知半解亦爲吾學生
俚俚何足之故欲與汝等稍指迷途汝等若不知措意此皆塵煤煙燼
而已何足道哉吾去後汝等兄弟務須同心敬事寡嫂吾附身之事止
用隨時舊製不必臨時搶攘徒益煩費逾月卽葬每日供飯一盂水一
盞香一炷足矣柩出門卽就舟不必招搖道路塗人耳目凡以七數日
拘忌陰陽及延僧道作法事皆宜屏絕我非排斥異教但無益之爲生
死兩累吾善吾生卽善吾死豈他人所能代我懺悔耶汝等能守曾祖
父家規克勤克儉或耕或讀皆不失爲清白子孫若妄作妄爲自取罪
戾祖先亦不能佑汝也勉之戒之後病少閒又五年卒於家先生生於
乾隆十五年十二月十三日午時卒於嘉慶二十一年六月二十三日
午時年六十有七

賜進士出身歷官山東昌樂縣知縣濰縣知縣卓異候陞署曹州府桃

源同知壬子乙卯山東鄉試同考官配倪氏側室吳氏子男八人麻甲能文有孝行早亡又湖震甲安說循博揆甲曾佑佺齡女四人長適無錫諸生華邦燮餘未嫁先生既歿數月孤子又朔等將卜葬於德澤鄉前橋之原以書并行略來屬點次將乞銘於先生之故交竊以先生之學行不賴他人之文以傳也正恐後生無塗以求其說又恐論世者久而失其序如翔鳳之所聞識者又朔已不能詳則烏可以不書遂次第言行之要與又朔所撰俱存之以俟采擇外甥長洲宋翔鳳謹狀

